


成案質疑

人命十四

卷十九之十三



漢書門			
九二八	七四八	七五〇	七五
類	號	函	架
冊	架	函	號

九二八	七四八
七五〇	七五
冊	架

內閣文庫	
番號	漢 9248
冊數	75 (52)
函號	296 100

五十二



瘋婦毆死親姑改斬監候

康熙五十二年二月刑部會看得蔣氏毆死親姑薛氏一案據署蘇
撫王度昭疏稱蔣氏素染瘋疾其夫花芳榮將氏鎖練康熙五十年
九月十六日薛氏見媳瘋疾稍愈命子往田收穫將媳鎖練開放詎
蔣氏癲疾陡發持木棍毆打薛氏頂心顛門登時殞命庶審蔣氏癲
形屬真應將蔣氏依律凌遲處死但查直隸巡撫題張氏瘋疾毆死
伊夫劉淵照例免其抵償奉

旨依議欽遵在案今蔣氏與張氏之案情罪相符相應聲明聽候部奪具

題查蔣氏係毆死親姑薛氏之犯不便照張氏毆死伊夫劉淵之案

免罪應將蔣氏毆殺夫之父母者凌遲處死律應卽凌遲處死奉

旨蔣氏素染瘋疾曾經拘鎖伊姑薛氏見其稍愈開鎖後瘋疾復發持棍
毆打薛氏致死蔣氏從寬免凌遲著擬斬監候秋後處決花芳榮由往



田間開鎖時不知情由從寬免杖責

妻殺夫因瘋病免罪

康熙三十六年四月刑部會議得張氏瘋病毆死伊夫劉淵一案據直撫沈朝棟將張氏照毆夫致死擬斬具題臣部等衙門詳覆以律例內雖無妻因瘋病毆死丈夫擬罪之條凡人瘋病毆死人不問抵償者因瘋病無知之故妻雖毆死丈夫其瘋病無知所行俱係相同張氏瘋病有無見証虛實之處行令該撫覆加詳審定擬具題到日再議去後今據該撫疏稱張氏瘋病因氣而得遇氣即發康熙三十五年二月初二日劉淵訓責其子張氏袒護向夫炒嚷即氣忿心迷毆打且從前燒燬衣服跑舞村庄有醫生趙月衡調治不痊可証及毆之後復欲持磚毆子有田主張龍章搶救然其瘋病時發時止則平日之見聞甚確但持磚亂毆實因瘋病所致張氏應改照凡瘋病殺人證佐甚明例免其抵償等因前來應將張氏改照瘋病殺人例

免其抵償可也奉

旨依議

瘋病殺妻

雍正十年八月刑部會議得韓起雲因患瘋病砍死伊妻陳氏一案
 據護貴撫常 疏稱韓起雲入贅陳氏生一子二女素相和好緣起
 雲於雍正五年間忽患瘋症八年九月十五日夜韓起雲突起持斧
 連砍陳氏左額咽喉兩處殞命歷審韓起雲言語不倫形景顛狂爰
 供陳氏與鄧子飛李愷有姦及拿獲鄧子飛李愷到案嚴加究訊堅
 供並無通姦情事實之伊子韓萬一妻母蔡氏妻兄陳文學等俱稱
 實係韓起雲瘋病混供等語應將韓起雲照瘋病殺人追埋葬銀兩
 例令其厚葬陳氏仍將該犯嚴加鎖錮看守陳文學等免議等因具
 題應如所題韓起雲瘋病殺妻應飭令厚葬伊妻免追埋葬銀兩仍
 將該犯鎖錮嚴加看守毋再疎縱該撫既稱韓起雲黑夜殺妻陳文
 學拘管難周韓萬一年幼未能照管其父應免究擬疎忽之地方官


在定例以前應邀免議鄧子飛李愷審無因姦致死情事亦無庸議等語均無庸議奉

旨依議

瘋病人不鎖錮看守

雍正九年十二月刑部會議得川督黃 疏稱南川縣民章巨珍因瘋病殺死鄧仕聖之妻陳氏及子女一家四命一案照律免抵按名各追埋葬銀十二兩四錢二分給付屍親領埋臣思瘋病免抵本係原病者之無知而定例嚴加禁錮正所以預防其意外妄行其如病者之親黨骨肉不忍鎖禁而隣里俱瞻顧情面觀望不言地方官又因無關考成率多膜視以致害及無辜將無底止且兇惡之徒奸險莫測安保將來必無詐偽惟有禁錮嚴密則寔病者可以防閑而詐偽者亦無從肆志臣雖嚴飭各該地方官加意查禁然非

欽定處分必難遵守等因具題前來應如所請嗣後各省及八旗凡有瘋病之人其親屬隣佑人等即報明該地方官該佐領處令伊親屬嚴行鎖錮看守如無親屬即責令隣佑鄉約地方族長人等嚴行鎖錮



看守倘親屬隣佑鄉約地方族長等容隱不報不行看守以致瘋病之人自殺者照不應重律杖八十致殺他人者照知人謀害他人不即阻當首報律杖一百治罪如親屬隣佑人等已經報明該地方官該佐領而該地方官該佐領不嚴飭親屬隣佑人等嚴行鎖錮看守以致瘋病之人自殺者將該管地方官該佐領照看守疎忽例罰俸三個月若致殺他人者將該管地方官該佐領照防範不嚴例罰俸一年俟

命下之日通行一體遵行奉

旨依議

瘋病殺人

雍正十三年十月刑部議覆直督李 咨稱蔚縣民崇法因瘋打傷魏豹身死一案緣崇法與魏豹同院居住素好無嫌崇法昔年雖染瘋疾已經調治痊愈迨雍正十二年九月內因田禾歉收租稅無償窮愁交迫以致瘋病復發當經伊母與妻將伊關禁在房因未鎖錮以致是月二十六日早瘋狂驚起出房持棍舞罵并稱欲殺合村之人魏豹聞聲前往扣門崇法即開門毆打魏豹顛門偏右并左腮脰連左耳根等處倒地崇法之妻張氏喊同隣佑人等與魏豹妻張氏趨救業已殞命歷審崇法雖于殺人之後瘋病已愈然其殺人之時正在瘋發之際似未便擬以緩抵應照瘋病殺人例追埋葬銀十二兩四錢二分給付屍妻張氏領埋崇法之母郭氏隣佑崇根崇有賓保長侯國輔甲長張九明既知崇法患瘋不行報官鎖錮以致釀成

人命均照案卽阻當首報律杖一百郭氏係婦人照律收贖仍將該犯暫行監禁如果年餘之後瘋病不復舉發交給親屬比隣鎖鑰看守防範等因前來郭氏等應如該督所擬杖責完結但郭氏等事犯在雍正十三年九月初三日

恩赦以前應各免罪其崇法監禁之處應如該督所議仍令該督作速向崇法名下追埋墓銀十二兩四錢二分給付屍親收領可也

夫毆死有罪妻妾

恨妻身懷私孕後因別事觸忿致死

康熙四十七年 月刑部會看得羅得勝毆死伊妻劉氏一案據直撫趙 審擬絞罪具題查羅得勝在外營生二載于康熙四十五年三月內回家知妻劉氏身懷私孕至十月內卽生子得勝含憤未發于四十六年正月十七日夜兩相爭執因劉氏詈及得勝父母得勝頓起前憤隨用拳棍亂毆劉氏傷重次日飲水血滯身死得勝見氏身死情極自行闔割匿審情真羅得勝合依夫毆妻至死律擬絞監候秋後處決不行勸阻之朱氏與混報不實之尹邦興尹明舉均合依不應重律杖八十各折責三十板朱氏係婦人照律收贖餘審無干相應省釋奉

旨羅得勝從寬免死照例減等發落餘依議

因姦聽從主謀殺死伊妻仍擬故殺

雍正七年六月刑部會議覆河督田 題太康縣民楊天培聽從病
故楊天爵殺死伊妻程氏一案查楊天培之妻程氏素與伊無服族
姪楊克敵通姦雍正五年十二月十六日夜楊克敵知楊天培探親
未回潛至程氏室內行姦當被天培族姪楊克升見而捉獲往告楊
克敵胞叔楊旬楊旬代姪求情克升依允將克敵釋放克敵猶恐克
升告知天培復暗囑克升代為瞞隱併送錢五百文至十七日天培
回家聞人講說詢知前情隨與伊堂兄楊天爵相商天爵恨程氏辱
敗門風輒為主謀令天培將妻殺死抬屍克敵門首圖賴又令天培
商之胞兄楊天貴併往喚程氏之兄程可仁至家當面訊明程氏與
克敵通姦屬實程可仁生氣而歸天爵復令天培乘夜殺害又同向
楊天貴說知天貴應允因病未往天爵等於二更時候偕至廚房適

夫毆死有罪妻

程氏在彼烤火楊天培先將程氏拉倒手掩其口楊天爵將程氏兩手按住復用膝壓其身天培用菜刀狠抹程氏咽喉殞命將屍細縛同天爵抬至楊克敵之祖楊依仁門首解去其繩將刀併程氏首帕俱置屍旁飾作自刎歷審不諱除楊天爵病故不議外楊天培合依故殺妻律擬絞監候秋後處決楊天貴合依謀殺人從者不行減行而不加功者一等律徒三年至配所杖一百折責四十板楊克敵合依姦無服親之妻律杖一百但因通姦以致程氏被殺身死仍應照凡人通姦例枷號一個月責四十板奉旨楊天培依擬應絞着監候秋後處決餘依議

因妻潛逃并勒死幼子遂順意帮勒致斃

雍正二年六月刑部會議覆河撫石 疏稱西平縣民賈文運之妻王氏賦性不良不服姑訓不願與姑同居欲往姑母家居住文運不允王氏乘文運睡熟輒抱幼子私奔文運追及王氏將伊子勒死復解帶自勒頸項令文運勒死文運恨氏不順翁姑又見勒死伊子一時氣忿將王氏之帶勒氏殞命將賈文運擬以絞罪具題應如所題賈文運依律擬絞監候奉

旨九卿議奏欽此臣等會查賈文運妻王氏賦性悍惡不願與姑同居乘夜抱子潛逃文運追及一時氣忿將妻勒死情可矜原賈文運應比照妻妾毆罵夫之祖父母父母而夫不告官擅殺律杖一百折責四十板奉

旨依議

因妻吵嚷又用頭撞推跌致死從寬枷責

雍正十一年四月刑部會議覆直督李 疏稱緣蘭敬天力作回家
令伊妻王氏拆洗衣服氏以天熱推諉兩相吵嚷敬天聲言要持鞋
底毆打王氏卽用頭撞敬天一時氣忿用手一推致王氏倒地適
中查鉞鐵齒磕傷腦後偏左逾時殞命審擬具題蘭敬天合依夫毆
妻至死律擬絞監候奉

百蘭敬天以伊妻王氏吵嚷聲言欲毆用頭撞蘭敬天用手一推王氏
倒地腦後適中鉞齒殞命蘭敬天情尚可原從寬免死議以枷責完結

夫打脫妻手妻失足溺斃不應將夫問抵

乾隆七年三月刑部會議覆武舉梁國棟毆妻陳氏自溺身死一案
據湖撫許 疏稱緣乾隆三年六月內該地設壇祈雨梁國棟爲首
十五日陳氏未備供茶梁國棟之母蘇氏訓責陳氏回言抵觸蘇氏
告知國棟轉責陳氏互相詬罵梁國棟拳毆陳氏左額顛接連顛門
悍發愈甚梁國棟又拳毆陳氏右後肋左後肋陳氏奔外聲言投水
梁國棟趕至塘邊欲拉氏回家陳氏忿扭梁國棟同溺對命梁國棟
情急拳毆陳氏右臂膊詎陳氏釋手隨跌下塘沉溺斃命梁國棟隨
捏陳氏自溺身死報知陳氏之弟陳百山同母周氏查看陳氏受傷
陳百山赴縣具報梁國棟旋脩銀兩央托梁欽林等賄求陳百山攔
驗請息陳百山應允十八日梁國棟陳百山假捏陳氏自盡呈允免
驗周氏不知伊子攔驗情由自欲赴縣稟驗陳百山畏懼逃走梁欽

林等將銀勸給周氏收領將陳氏掩埋寢事時陳百山在外亦不知伊母收銀奔報伊叔陳仲和陳仲和赴府具控批飭檢驗通詳嗣因武舉梁國棟詞內牽連之武生劉清恃符不吐分別咨革屢審不諱將梁國棟擬絞陳仲和等擬杖等因具題查此案供情陳氏不服姑訓伊夫梁國棟理責復敢詈罵以致梁國棟忿激拳毆陳氏仍不服訓反將梁國棟拉扯同溺對命梁國棟情急拳毆其左臂膊與其鬆手走脫而陳氏遂失足跌溺身死是陳氏寔死於溺非死於毆且陳氏以婦人而欲拉其夫入水已犯惡逆梁國棟畏死情迫拳毆圖脫亦與鬪毆不同該撫將梁國棟擬以絞抵於情於法似屬未協應令該撫再行妥擬具題到日再議查定例官員所屬地方有殺死人命不知情不行申報者降一級留任等語今此案新化縣知縣姚奮與因疑弟陳百山以自溺具結遽行准其攔驗並未申詳迨經屍叔陳仲和赴府具控批飭會訊該縣始行會同訊供通報例應議處應將新化縣知縣姚奮與降一級留任有加二級應銷去加一級抵降一級免其降級再該撫疏稱武生劉清審無說事過錢情事所革衣頂應請開復等語准其開復可也奉

旨部駁甚是依議 乾隆八年三月刑部會覆梁國棟毆妻陳氏自溺身死一案先據湖撫許 將梁國棟擬絞陳仲和等擬杖等因具題經臣部核議駁令該撫妥議具題到日再議等因題咨去後今據該撫疏稱覆訊梁國棟等與前供無異查陳氏之死雖因拉夫同溺致梁國棟拳毆墮塘溺斃但梁國棟係少壯之夫既有援救之心不難將受傷之婦極力拉回何至畏死情迫拳毆圖脫因而墮塘雖死由於溺而墮塘寔由於梁國棟之毆且所供不服姑訓之處不過偶爾一言抵觸蘇氏亦未親告法難懸坐是以將梁國棟依律擬抵惟是陳

氏逞其悍潑之性拉夫同溺梁國棟一時情迫拳毆墮塘尚非有意致死論法固無可貸於情尚有可原查律例並無拉夫同溺其夫毆妻墮塘身死應作何治罪之條梁國棟比照毆妻至死律減一等擬流恭候

諭旨遵行陳仲和擬杖等因具題查此案先經臣部等衙門以陳氏不服姑訓梁國棟理責輒將梁國棟拉扯同溺對命梁國棟情急拳毆其左臂膊乘其鬆手走脫陳氏遂失足跌溺身死該撫將梁國棟擬以絞抵似屬未協是以駁令再審妥議如果前疏所稱陳氏不服姑訓及拉夫入水等情未確實係梁國棟毆推墮水則夫毆妻至死自應絞抵該撫理合據實聲明不得因部駁奉有

諭旨輒為曲減如果陳氏不孝於姑又敢拉夫入水則梁國棟當此惡逆之婦謀其性命之時豈有不打脫逃命之理陳氏自己失足墮水身死何干律擬今該撫依違其詞既稱毆妻墮塘又稱情可減等無此信讞再查陳氏之叔陳仲和一犯該撫疏稱該犯以梁國棟與伊姪媳張氏通奸伊妻諫阻致被毆斃等情具控等語是陳仲和所控不止梁國棟一人其捏稱梁國棟與姪媳張氏通奸情節如審得是應各絞決今審屬虛乃止將陳仲和擬以不應重杖亦屬未協應令該撫再行按律妥擬具題到日再議可也奉

旨依議

因詈翁被夫推跌致死其夫不應絞抵

乾隆八年七月刑部議覆連州民唐文瑞毆推伊妻何氏撞傷身死一案據廣撫王疏稱緣乾隆七年八月初三日夜唐文瑞之父唐亞爐病熱思飲伊母眼朦難行唐文瑞日間工作力乏身倦遂令伊妻何氏起身煮茶何氏不從反行呪詛唐文瑞罵其不孝何氏回罵唐文瑞氣忿用拳毆傷何氏右手肱脈何氏撒潑唐亞爐隔房勸解令弗相爭何氏不依猶與唐文瑞拚命欲揸唐文瑞腎囊唐文瑞情急閃側右手格開氏左手搭住氏頸因黑夜無燈不見灶圈順手一推以致何氏仆跌適撞鐵鍋邊上割傷咽喉血出唐文瑞取火照視隨同伊母敷治不痊移時殞命屢審不諱查律載妻妾罵夫之父毋而夫擅殺者杖一百註云親告乃坐等語今何氏呪詛伊翁唐亞爐未據親告與律不符唐文瑞合依夫毆妻至死律擬絞監候再查

唐文瑞因妻何氏既不烹茶送父又敢出言呪詛理責其非何氏不自引咎復敢回罵揜伊腎囊拚命時值黑夜無火以致手推何氏跌撞鍋邊割傷咽喉身死寔非意料所及論法固應擬抵論情寔有可原伏候

聖裁等因具題查律載妻妾罵夫之祖父母父母者絞妻妾因毆罵夫之祖父母父母而夫不告官擅殺死者杖一百又律註內稱祖父母父母親告乃坐各等語細釋律註原恐夫妻不睦忿起一時或妻有他罪不至於死而夫輒逞兇毆斃捏以毀罵尊親與卸已罪故必須祖父母父母親告乃坐原屬慎重人命之意今此案據該撫疏稱唐文瑞之父唐亞爐病熱思飲唐文瑞令妻何氏煮茶何氏呪詛伊翁唐文瑞責其不孝何氏撒潑當經其父唐亞爐隔房聽聞勸解何氏不依猶與唐文瑞拚命以致唐文瑞情急搭住何氏項頸因黑夜無燈

推跌鍋邊割傷咽喉身死等語查何氏呪詛伊翁時在半夜唐亞爐卧病在床倉猝之間何暇告理而推跌致死之後唐文瑞卽告知屍叔投明地保庭鞫之下唐亞爐又已逐細供明原與親告無異使何氏呪詛屬寔則已罪干絞決今經本夫推跌致斃正與不告官而擅殺之律義相符何得謂唐亞爐爲未經親告仍將唐文瑞擬抵如謂何氏呪詛伊翁似無確據卽當推究致死別情不當聽唐文瑞等任意狡飾將律應擬絞之犯又以情有可原附疏聲明倫紀攸關人命所係均宜詳慎未便率結應令該撫再行詳訊務得寔情按律妥擬具題到日再議奉

旨依議乾隆九年九月刑部會議得唐文瑞毆推伊妻何氏撞傷身死一案先據廣撫王 審題經臣部等衙門核議題駁去後今據署廣撫策 疏稱覆加研訊據唐文瑞所供悉與前供無異查何氏咒詛伊

翁既經唐亞爐當夜親聞且經唐文瑞告知屍叔何榮信投明地保
事屬確鑿唐文瑞應改照妻罵夫之父母擅殺律擬杖等因具題應
如該署撫所題唐文瑞合依妻罵夫之父母而夫擅殺律杖一百折
責四十板時逢熱審照例減等發落再該撫疏稱此案署按察使事
鹽運使龐因唐亞爐未經親告唐文瑞仍照毆妻至死律定擬今
部議以庭鞫供明卽同親告業已自行改正例得免議至前撫臣王
與前署連州事現任化州知州林寅俱離任在先無從改擬今已
遵駁改正應照例免議等語應均無庸議奉

旨依議

夫毆妻致死枷責完結

雍正八年八月刑部會看得景州民牟好強毆傷伊妻張氏一案據
直督唐疏稱緣雍正七年十月十七日牟好強之母李氏欲往親
戚拜賀生辰令張氏在家縫補綿衣張氏不允反詈其姑李氏聽聞
嗔責其子牟好強不行管教伊妻仍往拜賀牟好強心懷忿怒適張
氏之弟小貴踵至探望其姊牟好強令張氏做飯款待張氏復不允
從迨小貴歸家之後牟好強譴責張氏張氏還詈牟好強忿激卽拾
火棍毆傷張氏左後脇詎張氏以頭撞碰牟好強閃避張氏誤碰門
檻致傷左右額角移時殞命歷審不諱將牟好強擬絞等因具題應
如該督所題牟好強合依夫毆妻致死律擬絞監候秋後處決奉
旨牟好強因妻張氏詈罵伊姑理責不服復行悍潑頭碰以致悞碰門檻
觸傷額角殞命情尚可原着從寬枷責完結

因妻詈罵不已踢傷致死從寬枷責完結

雍正九年七月刑部會議覆海陽縣民陳立華踢傷伊妻黃氏身死一案據廣撫鄂疏稱陳立華與黃氏結褵三載素相和好雍正八年八月十八日陳立華在田工作回家見猪踐食園菜詈罵黃氏失于照管黃氏回言詬詈陳立華忿怒拾取木棍向毆黃氏致傷肚腹黃氏潑罵不已曲身拾石欲擲陳立華隨舉足踢傷黃氏左後脇覆跌倒地被石墊傷臍肚左邊黃氏傷重移時殞命歷審不諱將陳立華擬絞監候等因具題應如該撫所題陳立華合依夫毆妻至死律擬絞監候秋後處決奉

旨陳立華因黃氏潑罵不已併拾石欲擲一時氣忿踢傷黃氏致斃陳立華情尙可原從寬免死着以枷責完結

故殺妻氏未便分別首從科罪

雍正十二年三月刑部會看得趙小柱等活埋伊妻王氏一案據東
撫岳 將趙小柱照故殺妻者絞律為從減一等杖一百流三千里
等因具題查王氏素性潑悍與姑雷氏時常吵罵每借瘋病屢邀在
外及至伊父王吉泰喝斥又不顧倫常詈罵伊父王吉泰因其敗壞
倫常有玷門風遂令伊婿趙小柱刨坑將王氏活埋該撫以趙小柱
聽從伊岳王使照故殺律為從減等查律內故殺既無為從之條殺
妻又豈可分別首從情罪未協且與律例未符應令該撫再行詳核
確擬具題到日再議可也奉

旨依議

因妻悍惡辱罵親兄殺死妻女四命

雍正九年九月刑部會議覆東撫岳 題曹縣民孫周殺死伊妻楊氏并女貴姐等四命一案查孫周幼失父母賴兄孫世祿撫養婚配世祿之妻病故遺有子女楊氏時常凌辱孫周屢勸楊氏不聽世祿同弟孫周吃飯楊氏復肆詈罵世祿因被罵不堪前赴棗園自縊經寇桂等解救而甦孫周因兄自縊將楊氏呵斥楊氏仍罵不已孫周憤怒頃起殺機用劍刀連砍楊氏腮頰咽喉肩甲等處登時殞命孫周以楊氏潑悍之婦決無好女并將所生三女亦行殺死歷審不諱將孫周擬絞監候具題孫周除故殺子孫輕罪不議外合依故殺妻律擬絞監候秋後處決奉

旨孫周依擬應絞着監候秋後處決餘依議

毆妻至死因逾正限免死減等

雍正八年二月刑部會議覆商城縣民陳斐然毆傷伊妻彭氏身死一案捷河督田 疏稱緣雍正六年十一月二十日陳斐然因彭氏將酒做壞出言詈罵彭氏回罵陳斐然隨掌擊彭氏右耳彭氏復罵不絕口陳斐然忿怒取鉄火鉗毆彭氏右肩甲彭氏因拿火鉗爭奪陳斐然將彭氏推跌彭氏復行嚷罵陳斐然又毆其脊背腰眼彭氏傷重越二十二日殞命歷審供認不諱查彭氏保辜限外十日之內身死將陳斐然擬絞奏請

定奪等因具題查律內手足及以他物毆傷人者限二十日又限外十日之內果因本傷身死事實者方擬死罪奏請
 之內果因本傷身死事實者方擬死罪奏請
 定奪等語今陳斐然毆傷彭氏係在限外十日之內身死應如該督所題
 陳斐然合依夫毆妻至死者律擬絞監候奏請

定奪再該督疏稱此案逾限二十二日係商城縣知縣白惟琇相應附叅等語查定例官員將事件遲延逾限不及一月如事已完結者免議等語今此案事已完結應將逾限不及一月之商城縣知縣白惟琇免議奉

旨陳斐然毆傷伊妻至保辜限外身死陳斐然從寬免死照例減等發落餘依議

毆妻至死原情減流

雍正九年九月刑部會議覆龍溪縣民鄭維致死伊妻王氏一案據福撫趙疏稱緣王氏賦性悍潑不嫻婦道婚娶未及經年屢返母家伊夫鄭維阻止時相角口雍正八年十月初二日夜鄭維進房王氏不納鄭維隨至牛欄獨宿迨五更天寒鄭維又入房就寢王氏仍復堅拒且聲言鄭維別娶聽伊別嫁鄭維氣忿取小竹棍毆王氏右血盆骨王氏奪棍鄭維隨勢一送撞傷王氏胸膛當被鄭維之兄鄭和聞嚷喝止至初四日早王氏開門奔逸被鄭維追及拉其回家王氏倒地撒潑將鄭維衣服扯破鄭維氣激隨以脚踢適中王氏心坎越三日殞命歷審不諱將鄭維擬絞等因具題應如該撫所題鄭維合依夫毆妻至死律擬絞監候秋後處決奉

旨王氏不守婦道屢次撒潑將鄭維衣服扯破以致鄭維忿激毆傷王

氏殞命鄭維情尚可原從寬免死着以柳責完結

命案屍骸無獲卽據供定據

雍正十年二月刑部會看得冀州民岳顯將妻高氏推跌落河身死一案據直督唐 疏稱緣岳顯娶妻高氏因家貧將妻高氏托與伊叔岳守正家養贍因高氏不守婦道伊婿不肯留住岳顯遂同高氏至彰義門外妻叔高尚奉家輩其留養高尚奉不納雍正五年五月十三日岳顯將高氏領回行至蘆溝橋沿河處所岳顯以高氏爲人不端斥責高氏高氏回詈岳顯氣忿用手將高氏一推倒入河內時值日暮且水大迅流高氏之屍瞬息無踪岳顯奔回告知伊叔岳守正俱不聲揚經高氏之父控告歷審不諱將岳顯依律擬絞等因具題應如所題岳顯合依夫毆妻至死律擬絞監候知情不首之岳守正與妻李氏律得容隱應毋庸議奉

旨岳顯依擬應絞着監候秋後處決餘依議

妻自抹未死而夫又行加抹

康熙五十三年八月刑部看得梁茂殺死伊妻洪氏一案據直撫趙
疏稱訊據梁茂堅供伊妻自抹之時雖未氣絕已無生理不忍令
其受痛又行加抹一刀將梁茂擬絞援

赦等因具題梁茂合依妻有他罪不死而夫擅殺應絞監候但事犯在康
熙五十三年三月十八日

恩赦以前梁茂應免死減等流三千里至配所杖一百折責四十板奉
旨依議

誤毒妻子誤毒旁人

乾隆七年三月刑部會議覆傅應祥用藥毒妻馮氏誤毒人功服兄
傅應忠之妻胡氏身死一案據蘓撫陳 疏稱傅應祥娶妻馮氏不
修婦職以致伊姑另居傅應祥不忍孀母自食遂將紅礬暗置米餅
內給與馮氏馮氏方合覺喉燥舌麻持餅出房將毒害情由告知如
鄰隣族當有男婦八人取餅共嘗俱受毒昏迷傅應忠之妻胡氏毒
重殞命將傅應祥照犯時不知聽從本法之律依故殺妻律擬絞監
候等因具題查核案情殊多疑竇夫愛生惡死人之常情雖其物至
平若明知有毒可以殺人亦必徘徊不敢驟食馮氏既明告知米餅
有毒八人尚敢分嘗有是理乎且一餅而八人共嘗必有先後因何
先嘗之人並不舌麻喉燥阻衆勿食以致羣中其毒更非情理况馮
氏食藥餅之人尚能從容訴知于衆旋又歸至母家揆此情形則馮

氏之食毒餅與否既未可知藥餅或在家所造或他處所造其姑謝氏何時另居及棲倚何人種種疑竇俱未詰訊明白遽將傅應祥擬以故殺難成信讞應令該撫確審妥擬且題到日再議可也奉旨駁甚依議

殺子孫及奴婢圖賴人

致死親姪誣人洩忿

雍正六年七月刑部會議覆建安縣民魏華音勒死親姪魏樟茂誣告魏月音等打死一案據福撫常疏稱緣魏樟茂之父魏公音原佃耕僧人洪策田一段雍正四年間魏公音身故洪策因魏公音舊道未清欲令魏公音胞弟魏華音認欠接耕魏華音不允雍正五年洪策將田收回自耕詎八月二十四日魏華音將洪策所種稻穀盜割三担當被洪策攔交月甲魏月音家赴縣投控魏華音挾忿圖報無由遂於九月初五日夜將親姪魏樟茂勒死誣魏月音等打死報縣歷審不諱將魏華音依故殺姪圖賴人律擬軍等因具題應如該撫所題魏華音除盜割稻穀輕罪不議外合依故殺姪圖賴人者充軍律發附近充軍至配所杖一百折責四十板奉

旨魏華音將親姪魏樟茂勒死誣告魏月音等打死以爲圖賴之計該撫及法司俱引故殺姪圖賴之律將魏華音擬以杖責充軍完結夫尊長致死卑幼而律例內定罪從輕者原爲倫常名分起見也今魏華音因已身犯偷割稻穀之罪恐被告發乃極小之事遂將已故胞兄之獨子年僅十三歲者於昏夜勒死以爲誣告圖賴洩忿之計似此兇惡慘毒之人已在倫常之外安得尚論尊卑長幼之名分乎向來定例未曾詳加分晰似未甚協朕意凡因家務及卑幼有過而致死者仍照舊例其將卑幼致死以脫卸已罪及誣賴他人者應另定治罪之條正所以重倫常而厚風俗著九卿詳悉定議具奏魏華音之案著候旨行欽此臣等伏思明刑所以弼教立法務期平允定例內兄奪弟之財產及奪官職平素仇隙不睦有意欲殺執持刀鎗小刀木棍等兇器故殺者擬絞監候秋後處決如無此等情由仍照律擬罪凡有親伯叔奪兄

弟之子房產田地及奪官職等情由挾仇故行殺死者照此例擬罪等語其因已身犯罪將卑幼致死以脫卸已罪及誣賴他人者此等慘毒之人已在倫常之外向來定例未曾詳加分晰是以兇暴之徒身犯此罪而律從輕擬誠未允協請嗣後尊長致死卑幼其因家務及卑幼有過者仍照律科斷外或因已身犯罪或與他人有嫌將期親卑幼致死以脫卸已罪及誣賴他人者照親伯叔奪兄弟之子房產等情故殺例擬絞監候秋後處決其致死之卑幼有父母妻子養贍無人者將該犯家產斷給一半以爲養贍之資似此立法既平則兇暴知警不敢輕犯矣奉旨依議魏華音卽照所議應絞著監候秋後處決

打死婢女賴人

雍正十年三月刑部會議覆湖撫魏 題巴東縣民李直扎死鄭繼
行李昌復打死婢女誣告鄭世選等一案查李昌李直弟兄與伊族
人李文茂田界不清經鄭繼行 踣界處息後李昌復起爭端李文茂
隨請繼行往看李昌李直聞李文茂講托繼行之言遂赴田阻隔李
文茂邀鄭繼行至彼直斥李昌 兄弟之非詈罵過激李昌氣忿將所
帶之刀扎傷繼行右腿繼行罵不絕口李直不甘執鎗欲刺其股因
鄭繼行負痛灣腰致傷左脇旋即殞命李昌見繼行身死情急畏罪
將家僕辛兒未婚之妻侍女用棍擊打致死認爲己女誣指武生鄭
世選同鄭繼行之子鄭明畧毆死互控歷審不諱李直合依共毆人
因而致死者以致命傷爲重律擬絞監候秋後處決李昌除執持刀
鎗兇器並無致命重傷及故殺奴婢各輕罪不議外合依誣告人死

罪未決律杖一百流三千里仍加徒役三年該撫既稱爭田起釁之李文茂照不應重律折責發落李昌將家僕辛兒之妻侍女故殺應將辛兒等照例悉放從良不追身價鄭世選等審係無干均應免議等語母庸議奉

古李直依擬應絞着監候秋後處決餘依議

威逼人致死

強盜止擬威逼

康熙四十四年七月刑部議覆直撫李 疏賊犯王二麻子起意行劫糾邀張姓子等九人聚於曹五家內各持械趕稱客船于小二中途先歸各賊一同駕船至張安仁船邊王二麻子張姓子劉二三人跳上客船登開伊等所坐之船餘賊未上當被事主知覺與賊相拒以致張安仁落河身死餘賊另船奔逃嗣據于小二抄首將張四等陸續拏獲但張安仁身屍驗無傷痕其張安仁家人因彼此拒敵被王二麻子將腰刀奪擲水中並未得財除盜首王二麻子于未獲之先病故劉二半臙子中途病故外其張四田二合依因盜而威逼人致死為從律擬流曹五依窩主共謀不行不分贓律擬杖具題查賊犯王二麻子等跳上事主之船王二麻子砍事主人之手而眾賊

人行劫砍人以致張安仁落水身死今該撫止將張四等擬以流杖
具題與律不符不便援

赦免罪應令該撫再行確擬奉

旨依議

行劫客船事主相拒落河身死照因盜威逼問擬

康熙四十五年四月刑部會議覆准直撫李之地疏稱強賊張四等
行劫張安仁船隻致張安仁身死一案賊犯王二麻子起意于康熙
四十一年閏六月初二日糾邀張炆子等聚齊于窩主黃五家內各
持刀棍等械趕趁客船于小二中途先歸各賊三更時分一同駕船
至張安仁船邊王二麻子張炆子劉二三人跳上客船當被事主張
安仁知覺相拒以致張安仁落河身死餘賊另船奔逃後據于小二
投首將張四等陸續拿獲歷審不諱除王二麻子劉二胖臍子病故
外將張四等擬以流杖援

赦具題臣部以王二麻子等跳上事主之船王二麻子砍傷事主人張
德義之手眾賊因行劫砍人以致張安仁落水身死該撫止將張四
等擬以流杖與律不符不便援

赦免罪行令該撫再行確審定擬具題到日再議去後今准該撫疏稱此案夥賊雖有八人其登船行劫止王二麻子劉二張炆子三人又據張四供會聞王二麻子有我奪事主之刀撩河赴水逃走等語則張德義手上之傷確係王二麻子奪刀所致餘賊因見渡船蹬開事主知覺拒敵未及登船並無眾賊行劫砍人查張安仁身屍驗無傷痕其為昏夜出禦失足落水無疑則安仁雖因賊致死而非死於眾賊之殺傷至砍傷張德義之手久經平復且各賊並未得財應照因盜致死之條分別首從實無枉縱將張四等仍照原擬援

赦其題除盜首王二麻子劉二胖臄子田二相俱經病故劉二張炆子落河身死于小二亦無上盜自行出首均不議外張四合依因盜威逼人致死為從者減一等杖一百流三千里律應擬流黃五合依強盜窩主共謀不行又不分贓者杖一百律應杖一百伊弟黃六雖不知

情然不阻各賊往來合依不應重律杖八十各犯事犯在康熙四十

二年三月十八日

赦前均應免議逸賊張小雲事在

赦前應免緝再該撫疏稱監斃田二相之管獄官係故城縣典史崔大有應請附叅但田二相係具題後病故崔大有應否免叅聽部議奪查定例州縣監獄係吏目典史專管獄內監斃一人者罰俸三個月等語應將故城縣典史崔大有照例罰俸三個月奉

旨知道了

事主因驚致死盜首照威逼律斬候

乾隆六年九月刑部會議覆盜犯陳尙義在新安縣屬黑石角海面
行劫東莞縣民陳益昌船打傷陳益昌并致伊弟陳汝昌驚跌落水
淹死一案先據原任署廣撫王 疏稱緣陳尙義販魚折本起意爲
盜于乾隆四年四月十八日先約陳漢士出海行劫陳漢士不允至
二十一日陳尙義復與陳士斐陳太會陳見明陳亞章陳經尙同坐
村外石勘上商謀借名出海買魚行劫令陳士斐陳亞章各出艇一
隻預備米飯約于二十三日在石子頭村外埠頭開行各皆允從二
十二日適陳而林陳見玉欲出海買魚撞遇陳尙義詢及出海之期
陳尙義詭稱明日出海誘令同行二十三日陳士斐等先駕艇至埠
等候陳尙義陳太會暗藏鐵尺與陳見明等各執籬筐陳而林陳見
玉各亦備本携籬并食米先後到齊分坐兩艇一齊開行由石子頭

汛出海二十五日行至鷺鷥灣將近黑石角海面陳尙義望見事主陳益昌船駛來聲言行劫陳而林陳見玉聽聞畏罪不從卽同駕陳士斐之艇先回陳士斐等俱過陳亞章艇內同黨六人陳益昌船至各盜將艇攏近陳見明板事主船旁陳亞章在艇把櫓陳尙義等各持鐵尺刀棍齊擁過船事主之弟陳汝昌與夥伴梁亞六見賊衆多驚慌走避失跌下海梁亞六透起水面陳士斐拉救上船陳汝昌被水冲開淹斃無踪陳太會陳經尙欲進艙搜劫陳益昌攔住艙口陳太會卽將鐵尺擊傷陳益昌額角陳益昌走避陳太會陳經尙進艙搜取銀錢衣物交陳尙義陳士斐接遞過艇各盜俱回原艇行至江鷗沙涌口追及陳而林陳見玉之艇兩艇會合將賊配搭按股俵分嚇令陳而林陳見玉收受仍回石子頭散踪事主報縣緝賊隨據盜首陳尙義夥盜陳經尙陳亞章投首供開夥黨拘獲東士斐等研審

各犯供認不諱賊經主認正盜無疑查事主之弟陳汝昌原因驚避失足淹斃並非各盜下手殺死事主陳益昌傷經平復應免梟示陳太會陳士斐陳見明均合依強盜已行得財者不分首從律擬斬立決照例先行刺字并聲明陳太會用鐵尺打傷事主額角法所難宥陳士斐見事主夥伴失足下海卽行拉救上船與陳見明皆聽找入夥並未傷人亦無行劫別案均屬情有可原盜首陳尙義並未傷人聞拏投首照例擬遣夥盜陳經尙陳亞章均係聽找入夥並未傷人聞拏自首依律擬徒陳而林等擬杖至擬遣盜首陳尙義夥盜陳見明並無妻室陳士斐有妻劉氏等因具題經臣部等衙門查例內未傷人之盜首聞拏投首者發遣又例內強盜殺死人命不准自首各等語今陳尙義起意行劫糾約陳太會等各持鐵尺刀棍齊至陳益昌船內肆行劫掠以致事主之弟陳汝昌落海身死屍首漂溺無踪

陳汝昌之死雖非陳尙義趕殺而驚避落水實由陳尙義等蜂擁上船畏克情迫所致况夥盜陳太會擊傷事主陳益昌額角已照例擬以法無可貸而糾衆行劫致死事主之盜首轉得以聞拏投首與未傷人之盜首一例擬遣殊屬未協應令該撫再行妥議具題到日再議等因題駁去後今據廣撫王 䟽稱陳尙義雖未下手傷人而汝昌失跌下水身死實由陳尙義等蜂擁上船驚慌所致陳尙義起意糾夥行劫實爲致死事主罪魁不便准其自首應將陳尙義改依強盜已行得財者不分首從律擬斬立決先行刺字係致死人命首盜法所難宥查強盜殺人及江洋大盜均應擬斬梟示今各盜在黑石角海面行劫尙係內港並非外洋且陳汝昌因驚跌失足淹死尙非下手殺傷應免梟示陳太會陳士斐陳見明均應仍照原擬依強盜已行得財不分首從律擬斬立決刺字陳太會用鐵尺打傷事主額

角法所難宥陳士斐見事主夥伴失足下海卽行拉救上船與陳見明皆係聽找人夥並未傷人亦無行劫別案均屬情有可原夥盜陳經尙陳亞章均係聽從入夥並未傷人聞拏自首均依律擬徒陳而林陳見玉擬杖等因具題應如該撫所題陳太會合依強盜已行得財律擬斬立決免其梟示至盜首陳尙義前署撫以事主陳益昌之弟汝昌驚避失足淹斃陳尙義並未傷人照盜首聞拏投首例擬遣臣部等衙門以陳汝昌雖非陳尙義趕殺實由畏克逼迫所致與未傷人盜首一例擬遣殊未允協題駁去後今該撫䟽稱陳汝昌下水身死實由陳尙義等蜂擁上船驚慌所致陳尙義爲致死事主罪魁不便准其自首將陳尙義改依斬決聲明法所難宥等語但汝昌之死既非陳尙義趕殺似不便竟照殺人律擬斬立決况聞拏投首猶有悔懼之心與陳太會擊傷事主陳益昌搜掠銀物未經投首者稍

有差別查律載因爲盜而威逼人致死者斬監候等語陳汝昌下水淹斃既係畏克情迫所致與因盜威逼人致死之律相符應將陳尙義改依因盜威逼人致死律擬斬監候秋後處決其擬以情有可原之陳士斐陳見明均應照例免死減等陳士斐有妻劉氏陳見明並無妻室應令該撫遵照乾隆二年定例刺字分別發遣至聽從入夥並未傷人聞擊自首之陳經尙陳亞章均合依知人欲告而自首減二等律杖一百徒三年至配所各責四十板俟徒限滿日遞回原籍交地方官嚴加管束該撫既稱陳而林陳見玉係陳尙義誘去販魚臨時畏罪先回被嚇收贓並未共謀上盜均依知強竊盜後分贓在竊盜爲從論一兩以上杖七十爲從減一等律杖六十免刺先行折責發落等語應如該撫所議完結又前署撫原疏內稱陳漢士同線人陳仲元赴營投首照例給賞摘釋首繳之贓給主未起之贓應於

各盜名下房屋變賠所獲盜艇變價入官各盜詢無同居親屬知情分贓毋庸議地保牌甲已據各盜供明並無知情賄縱情事但失察爲盜例應擬笞時遇熟審豁免應免提訊以省拖累等語均應如所議完結再前署撫原疏內稱本案盜黨六人盜後分贓二人已經全獲並無窩緝原叅疎防武職已准兵部免議疎防文員各官亦請免議等語查此案先據該督疏稱同黨八人俱已全獲吏部將疎防文職各官均照例免議在案應毋庸議再前署撫原疏內稱各盜係由石子頭汛出入所有失察守口職名係虎門協右營千總程岐英相應開報聽候部議等語查定例內奸船出入海口失察出口官降一級留任限一年緝拏全獲開復如本案已無逸盜定以三年有能拏獲別汛奸船以及本汛並無失事准其開復失察入口官罰俸一年等語應將失察各盜出口之千總程岐英照例降一級留任逸盜限

一年緝拏但此案盜犯已經全獲是本案已無逸盜應照例降一級
留任如三年以內有能拿獲別汛奸船以及本汛並無失事咨請開
復至失察各盜入口亦係千總程岐英應照例罰俸一年再該撫疏
稱本案從前承審錯擬職名係新安縣知縣何夢篆廣州府知府汪
會正按察使潘 前署撫王 但查定例具題事件部駁改正將從
前承審舛錯之處免其查議今本案係新安縣知縣何夢篆廣州府
知府汪會正按察使潘 自行改正前署撫王 奉
旨進京已經離任無從改正應照例一併邀免統聽部議等語應將遵駁
改正之知縣何夢篆知府汪會正按察使潘 無從改正之前撫臣
王 均照例免其查議奉
旨陳太會著卽處斬陳尚義依議應斬著監候秋後處決餘依議

誣竊錢文逼賄自縊并一犯三擬率混具詳


乾隆元年七月刑部會議覆東莞縣民莫文貴偷竊客錢誣逼無服
族兄莫文滔自縊身死一案據廣撫楊 疏稱緣莫文貴與蘓亞四
合伴駕船爲生有新安縣客人江貴祐蔡亞科至東莞縣石尾鄉買
蔗雇莫文貴船隻裝運江貴祐之父江子興堂弟江觀祐隨亦到船
雍正十三年三月二十三日江貴祐等買就地蔗船泊附近河邊將
買蔗所剩錢七百文裝入蒲包經莫文貴眼同收貯船艙其時莫文
滔與莫亞爲同在附近灣船處所田頭挑磚江貴祐蔡亞科喚同船
內之人齊往蔗地拔蔗莫文貴想起船貯銅錢忽萌盜念假稱回家
取帽潛回河邊乘莫文滔莫亞爲挑磚而去卽入船內竊取銅錢將
蒲包携至莫文滔挑磚田頭河下埋藏帶錢歸家仍取雨帽回地拔
蔗迨至午候江貴祐等回船查失錢包因見莫文貴先曾走回責令

賠償莫文貴假喚蘓亞四同往河邊躡尋及至莫文滔挑磚田頭河
 下尋獲蒲包莫文貴希圖誣卸即捏莫文滔偷錢往向爭論投訴約
 隣莫文溢等因無憑據勸解各散二十六日江貴祐等復向莫文貴
 索賠莫文貴仍說莫文滔偷竊逼令莫文滔赴廟發誓後又捏稱莫
 文滔私自解誓喚令江貴祐江歡祐同赴莫文滔門首索錢莫文滔
 不服莫文貴罵辱逼令賠錢維時江貴祐等先回後經隣嬭袁氏勸
 散詎莫文滔被誣忿激即自縊身死經屍妻葉氏報縣嗣據該縣沈
 會同將莫文貴依因賊威逼人致死律擬斬監候又稱與上盜臨時
 逼死有間照襟犯死罪總徒五年又以家無次丁柳責留養其是否
 孤子並不遵例取結妥議一犯三擬任意率混經臣將沈會同題奏
 奉

行革職在案茲研訊莫文貴據供前情不諱將莫文貴依因盜威逼人致

死律擬斬監候江貴祐江歡祐擬杖均事在雍正十三年九月初三日

恩詔以前相應援免等因具題前來應如該撫所題莫文貴合依因盜威
 逼人致死律擬斬監候秋後處決其同往取錢之江貴祐江歡祐均
 照不應重律杖八十折責三十板莫文貴江貴祐江歡祐事在
 赦前相應援免仍令該撫向該犯名下追埋葬銀二十兩給付屍親收領
 其莫文貴所竊銅錢應令該撫照追給主再該撫疏稱原叅東莞縣
 知縣沈會同案內陳瓊亮等佔踞海面及莫博濟等爭割田禾二案
 叅後已據詳結無庸具題至本案原因沈會同先擬莫文貴以因盜
 威逼人致死斬罪但與臨時上盜逼死有間請照襟犯死罪准徒五
 年又以孤子請加責留養一犯三擬毫無定見但擬斷離屬游移案
 情尚無枉縱恭逢



思詔其前叅革之案應否准予開復聽候部議等語查原任東莞縣知縣沈會同先經該撫列款題叅革職在案內莫文貴一案原叅該員草率讞獄之處今該撫雖稱擬斷雖屬游移案情尙無枉縱等語但原案內尙有陳瓊亮等佔踞海面及莫再濟等爭割二款曾經該撫以該員怠玩政務題叅今此二款疏內並未聲明吏部不便遽議應令該撫一併聲明具題到日再議再查沈會同先經該撫以玩縱溺職題叅奉

旨將沈會同革職其陳瓊亮等佔踞海面及莫再濟等爭割田禾各案經臣部行令作速審擬具題在案今該撫雖稱陳瓊亮等各案已據詳結無庸具題等語但作何審結之處應令該撫查明報部奉

旨依議

威逼人命

雍正五年 月刑部覆湖撫馬 咨查南運景明知伊父絕賣之田強欲贖回又乘裴紹占報竊失契故以匿契阻贖告官以致裴紹占情迫自縊雖無賄賣王六兒竊契之事亦難辭威逼之咎應將南運景照因事威逼人致死律杖一百王六兒既竊裴紹占契物又誣板南運景賄伊行竊應照不應重律杖八十仍向南運景名下追埋產銀十兩付屍親收領未獲贖物於王六兒名下追賠

誣指竊秧毆傷勒罰以致情急服毒斃命

乾隆六年四月刑部咨覆署福撫王 咨稱寧化縣民李健毆傷無服族叔祖李統服毒身死一案緣乾隆五年四月十九日夜李健前往巡田見禾苗被人拔毀隨在田間拾得斗篷上書賢字記號疑係李統之子李賢拔苗所遺二十日攜帶棕繩邀同堂姪李達前往李統家拴捉李賢賠秧適李賢赴田工作李統出而理論李健用拳毆傷李統右太陽穴又喝令李達捉手自以所帶棕繩拴其項頸交與李達牽赴祖祠李統不肯前行李健在後又用拳毆傷李統脊背並被棕繩擦傷頸項迨入祖祠拴于庭柱李統頭撞李達李達亦用拳毆傷李統左眼胞李健近前斥詈李統亦以頭撞李健李健復用拳毆傷李統心坎當有族人李久自田歸家經過祠前聞聲入視詢知情由力勸李健解放李健逼勒罰銀十兩充公方于解免李久代為

人
卷之九
擔認卽行解縛釋放李健復聲言五日內交出罰銀方肯干休詎李
統回家因受傷被逼痛苦難堪告知其子李賢勸慰莫釋至二十五
日限期已逾無從措銀潛服砒石斃命查李統係李健無服族叔祖
應同凡論李健用拳毆傷李統右太陽穴心坎脊背之處均係致命
復勒罰銀兩限日交出以致李統情極服毒殞命李健合依因事用
強毆打威逼人致死果有致命重傷雖有自盡實跡追埋充軍例僉
妻發邊衛充軍追埋給領李達用拳打傷李統不致命左眼胞係聽
從李健主使而威逼人致死律例無爲從之條若依毆人成傷以無
服尊長加等亦屬情重法輕合依不應重律杖八十毀苗之人飭縣
緝獲另結相應咨達等因前來李健等均應如該署撫所擬完結仍
照例于歲底彙題可也

偷放田水被田主鋤毆上塍趕打滑跌潭內淹死

乾隆二年八月刑部議覆福撫盧 咨稱緣蔡七與朱尾耕種田畝
上下毗連乾隆元年三月十五日朱尾將蔡七田塍水隙挖掘俯身
放水引灌已田適蔡七之兄蔡紅遇見向阻朱尾卽行詈罵併欲毆
打蔡紅蔡紅隨拾朱尾田傍之鋤以柄抵傷朱尾左手腕朱尾奪鋤
蔡紅復以鋤柄撞傷朱尾之左肋上朱尾奮力強奪蔡紅又乘勢頂
傷朱尾左肋下時蔡七至田巡水見兄與朱尾扯奪鋤頭隨閃在蔡
紅身後用所帶之鋤棹轉木柄打去傷及朱尾左後脇登卽走避朱
尾釋鋤跳上田塍趕打蔡七不期塍窄泥滑失足跌入潭內蔡七驚
惶卽同蔡紅撈救不起時有李昆奔至幫同撈起朱尾已被水淹殞
命經莆田縣知縣周之瑚將蔡七比照因事用強毆打威逼人致死
果有致命重傷者雖有自盡實跡追埋充軍例僉妻發邊衛充軍仍

追埋葬銀一十兩給屍親收領蔡紅先毆召釁依不應重律杖八十
詳報等因批結仍照例于年底彙題在案今查蔡七並無妻室于本
年三月初七日差撥兵役將蔡七起解轉遞廣東訖其埋葬銀兩現
在家屬名下勒追給領相應咨達等因前來應如該撫所擬蔡七應
照例發邊衛充軍仍追埋葬銀兩給付屍親收領蔡紅依不應重律
杖八十蔡七事犯在乾隆二年四月十六日

恩詔以前相應援免蔡紅亦應免杖其蔡七名下埋葬銀十兩照例勒追
給領報部可也

既被盜竊復懼官刑情急自縊

乾隆三年九月刑部議覆叅革西充縣知縣張克惠盜逼緝事主
聶天順一案據川撫碩 疏稱緣南充縣民聶天順吳相卿兩家於
乾隆元年十二月二十二日夜同被盜劫因南充縣知縣吳烜因公
赴省報經典史章思義查驗被盜是實申請西充縣知縣張克惠覆
勘該縣于乾隆三年正月初三日至事主家因聶天順所供銀匣大
小互異即將聶天順掌嘴於櫃內搜出銀包衣服張克惠以失單開
有銀包明係捏報被盜聶天順洪稱銀包係伊外甥劉君義所寄喚
訊劉君義供稱伊寄張克惠復將劉君義掌嘴嗣因吳相卿堅供盜
劫亦被掌嘴鞭責諭令明日再審聶天順既苦盜劫復畏官刑是夜
投繯殞命張克惠捏稱聶天順被盜燬文契氣忿輕生勒取鄉地隣
佑甘結改爲初二日查驗通詳掩飾屢審無異張克惠依律擬杖納

贖等因具題應如該撫所題張克惠合依因事威逼人致死律杖一百納贖但張克惠已經本案革職照例納贖俱免仍追埋葬銀十兩給付屍親收領其行劫聶天順等家正盜勒緝務獲審擬具題奉旨依議

捕役私拷盜屬自盡擬軍該管官革職

康熙五十四年三月刑部會議覆馮加諭之妻王氏被捕役羅林等毆嚇自縊身死一案據江撫張伯行審擬戍徒杖罪具題查馮加諭有侄馮天洪于江寧縣犯盜被獲解審中途脫逃該縣差捕役羅林着落盜屬緝拿清邑訊據加諭供出天洪匿于桃源縣丁士祿家該縣復差捕役于龍李美官押加諭于康熙四十二年八月初二日協同往緝途中加諭忽稱士祿身故羅林等知其言語支離復在馮加諭家中再三盤詰加諭初不吐寔情羅林等見加諭已老將伊妻王氏鎖吊樹上羅林先以拳毆其背脊左肋又持棍擊王氏頂心左肩甲右後肋于龍掌批王氏腮腴拳打右肋又執桑條打其左手腕等處天洪于初三日早投出且供有贓銀衣物寄于加諭家內羅林等復向搜查未得又嚇以再行吊打以致王氏畏懼投繯殞命歷審情真

羅林合依因事用強毆打威逼人致死果有致命傷痕雖有自盡寔跡發邊衛充軍律僉妻發邊衛充軍至配所杖一百折責四十板于龍合依爲從律徒三年至配所杖一百折責四十板伊等俱係捕役私刑拷打逼死人命不准減等仍向羅林名下追埋葬銀十兩給付死者之家手推加諭之李華不行勸阻之李美黃玉均依不應重律各杖八十康熙五十三年正月初一日奉

旨現審人犯內罪不至死者亦着減等發落李華李美黃玉俱各減一等杖七十各折責二十五板于龍李華李美黃玉仍革役再該撫疏稱縱役職名係江寧縣知縣蘇堦清河縣知縣喻之暹相應附叅等語查定例內捕役私用非刑害人致死者該管官以不能詳察論革職等語應將江寧縣知縣蘇堦清河縣知縣喻之暹均照例革職奉旨依議

逼嫁期服孀孀致孀自縊

雍正十年 月刑部議覆都昌縣民陳正典強逼期親服孀胡氏改嫁致氏自縊身死一案據江撫謝 疏稱胡氏係已死陳國璉續娶之妻生有一子陳正抱年甫十一頗有家產陳正典與陳正光商謀強嫁希圖管業令石應選爲媒嫁與石啓助胡氏不從陳正典率同石應選陳富得將胡氏手足拴縛令轎夫施禮遜楊閩得擗拍至啓助家胡氏誓不成婚自縊殞命歷審不諱將陳正典擬絞陳正光擬流陳富得石應選石啓助俱擬杖徒施禮遜等擬杖等因具題陳正典合依卑幼威逼期親尊長致死律擬絞監候陳正光合依教誘人犯法律僉妻流三千里至配所責四十板石啓助既知胡氏嫁非情願明係預謀應改擬杖一百流三千里至配所責四十板陳富得石應選聽從陳正典將胡氏強縛俱合依搶奪爲從律各徒二年半至

刑案彙編 卷之九

配所責三十五板施禮遜楊閨得合依不應重律杖八十奉

旨依議

遣嫁少寡孫媳以致自盡

康熙五十六年 月禮部議得護浙撫段 疏稱永康縣民程德福之妻陳氏年甫十六即適德福為妻次年夫亡夫祖程遠度念已老貧孫媳少寡恐不克終曾浼陳士學為媒適有呂君法欲為子覓妻彼此說合氏知難以逆命于康熙五十五年九月初二日值夫忌辰薦享之後沐浴更衣入室扃戶自縊陳氏青年守志性秉金石之堅七載撫孤節比松筠之勁題請

旌表前來查五十六年四月內臣部題覆江撫張伯行一疏常熟縣已故民人袁壽之妻譚氏有氏姑之親戴壽等威逼改嫁不從盡節自刎請照強奸不從之例

旌表在案今陳氏遣嫁不從盡節自縊較之譚氏逼嫁不從盡節自刎者無異應如該撫所請准其

刑案彙編

卷之九 人命

十六

威逼人致死

刑部議 卷十九

旌表給銀建坊奉

旨依議

強逼孀婦改嫁以致自盡

康熙三十一年六月刑部議據江撫鄭端疏稱孟盛吾等因同庄劉子明病故遂與孟君美等恃強硬將子明妻傅氏許配林二將財禮銀兩瓜分于康熙三十年正月二十日將傅氏捺載車上送至林家傅氏矢志守節持刀自刎身亡歷審情真將孟盛吾等擬以戍徒杖罪具題孟盛吾合比依婦人夫亡守志若有用強求娶逼受聘財回而致死者追給埋葬銀兩發邊衛充軍例僉妻發邊衛充軍為從之孟君美應減一等徒三年均遇熱審減等仍于二犯名不追埋葬銀一十兩給付死者之家不察明傅氏不愿改嫁情由遽行在娶之林二與扛幫逼嫁之孟恒吾等俱合依不應重律杖八十遇熱審減等財禮照追入官奉

旨依議

刑部議

卷十九人命

十七

威逼人致死

強逼孀婦改嫁

康熙五十四年六月禮部議覆江撫張伯行疏稱常熟縣已故民人袁壽之妻譚氏撫有三子情願守志有氏姑之親戴壽戴佛欺氏孤孀咸希逼醮取利康熙五十二年十月初十日戴壽戴佛先領錢姓看親氏不允從戴壽遂向氏逼索伊夫存日所欠會銀十一日早氏因情急投繯經子觀即解救是日龔瑞卿復同王贊公領高二議親來看氏益忿激進內自刎歷審戴壽等將圖利逼嫁致死情由供認不諱戴壽等比照婦人夫亡愿守志別無主婚之人若有用強求娶逼受聘財因而致死者例擬罪發落查譚氏蓬門娶婦拒強不嫁飲刃捐軀誠堪風世等因具題查定例婦女強姦不從致死者俱准旌表譚氏以威逼改嫁不從盡節自刎較之強姦不從致死者無異應如該撫所請准其

旌表奉

旨依議

細嫌孀婦分掠家資復行辱罵致殞自縊

乾隆四年七月刑部議覆陳之萬等強嫁吳氏不從致氏自縊身死一案據安撫孫疏稱吳氏之夫陳來本生章姓隨母繼與陳之萬堂兄陳之相為子娶妻吳氏止生有一子雍正六年陳來病故吳氏剪髮誓志迨陳之相夫婦故後吳氏携子乞食詎子年幼迷失遂自獨守已經十載陳之萬欲強奪其節捏稱吳氏願嫁囑令陳進尋媒商之陳于章即託陳太生覓得繆子通欲行娶妻乾隆二年十二月初二日在陳進家內陳之萬主婚陳雙代寫婚書陳太生陳仁為媒當付財禮銀十二兩陳之萬得銀七兩陳太生得銀一兩五錢陳進得銀一兩五錢陳仁得銀一兩二錢陳雙得銀八錢約定初八日送親迨至臨期陳之萬令陳進糾約多人帮同強嫁陳進復告知陳于章陳于章附和允從陳進即邀同陳仁陳雙并陳元陳孟帮助強嫁

陳之萬計誘吳氏請施姓領伊原聘養媳回家吳氏被誘至渡口陳元撐船過渡吳氏見人多不肯上岸陳孟強將吳氏前行陳元等同陳之萬陳仁在後防護陳進陳雙復將吳氏細綁入轎擡行陳之萬等護送吳氏至繆子通門首散回陳之萬搬取吳氏紗布木箱陳于章搬取吳氏衣厨并將吳氏住屋得銀二兩賣與陳之萬爲業詎吳氏至繆子通家哭罵不肯成親繆子通詢知情由令伊幼子伴宿未曾成婚至十四日將吳氏送回吳氏復被陳之萬詈罵不甘卽於是夜自縊身死屢審不諱將陳之萬比照婦人夫亡守志別無主婚之人若有用強求娶逼受聘財因而致死例僉妻發邊衛充軍陳進陳于章陳雙陳仁陳元陳孟照爲從減一等律各杖一百徒三年陳太生繆子通擬以杖笞等因具題查定例內開強奪良人妻女賣與他人爲妻妾者照強奪良家之女姦佔爲妻妾絞罪奏請

定奪等語是雖不至逼死人命而強賣之人卽應擬絞蓋緣風化攸關是以定例綦嚴今吳氏故夫陳來本生章姓陳之萬乃陳來繼父陳之相之堂弟原非應行主婚之人况吳氏夫故之後剪髮誓志守節十年陳之萬利慾薰心計圖強賣糾出族棍朋謀奪節始行計誘下船繼則細綁上轎旣貪受其聘財復掠取其紗布什物及吳氏矢志不移完節歸家而廬舍一空立錐無地反被陳之萬辱罵不甘以致自縊殞命種種貪惡非僅逼受聘財者可比止擬遣戍旣於情理未協且與定例不符事關致死節婦未便率結應令該撫另行確審妥議具題到日再議奉

旨部駁甚是依議

逼娶孀嬭為妾以致自盡又囑告無辜

雍正十一年 月刑部議覆湖撫王 題孀嬭陳氏投水自盡一案
查陳氏夫亡守志虞廷英與陳氏之夫誼屬郎舅至親乃虞廷英兩
次率領多人強搶陳氏為妾致陳氏畏避一載有餘始行歸家虞廷
英復令家人以再搶之言恐嚇脇令改嫁致陳氏激烈自盡事後又
賄囑屍姪誣告陳呼煌等希脫已罪狡惡已極擬軍不足以蔽其事
應令該撫另行審擬具題到日再議奉

旨依議

強娶孀婦不從自縊照親屬逼嫁投繯例准 旌

乾隆九年四月刑部會看得瓊山縣民周加令強娶孀婦王氏致氏自縊身死一案據廣撫王 疏稱緣乾隆六年十二月內王氏年甫十四經伊父王天文招贅林所青之子林學文爲婿成婚未及半載林學文回家病故王氏過門守喪誓不再醮仍回母家居住乾隆七年十一月十七日有袁後坡托媒李氏向王天文求親天文答以伊女立志守節袁後坡遂不復求乃有王天文鄰人周加令亦欲續娶於七年十二月二十日及乾隆八年三月十六日兩次面向王天文林所青求婚王天文林所青均以王氏守節回覆詎周加令聞知袁後坡先曾求親心疑王氏欲嫁袁後坡輒圖先送聘禮奪娶遂於三月十八日買備檳榔酒肉遣伊婢女孃寬挑往林所青家勉強林所青收受以作定親禮物林所青堅却不收孃寬挑回迨四月初三日

周加令又囑鄰婦林氏往勸王氏嫁伊為妻并云如王氏不允即以強搶成婚嚇之林氏往告以致王氏怒罵林氏始歸至初四日早王氏乘伊父母往田工作即出屋後自縊王天文回家尋見解救業已殞命屢審供認不諱將周加令依例擬軍林氏擬杖收贖等因具題應如該撫所題周加令合依夫亡守志別無主婚之人若有用強求娶逼受聘財因而致死者依律問罪追給埋葬銀兩充軍例發邊衛充軍至配所杖一百折責四十板仍追埋葬銀一十兩給付屍親收領該撫既稱林氏聽囑轉告亦屬不合應照不應重律杖八十係婦人照律收贖贖寬往送禮物係聽伊主指使應予免議等語均應如該撫所議完結再該撫疏稱王氏芳齡失偶誓不再適因被強徒逼娶甘死以明從一之義志節可風應請

旌表以勵風化等語查會典內載孀婦守志因親屬逼嫁投繯原非激烈

輕生照例

旌表等語今王氏因周加令強娶不從以致自縊身死應照親屬逼嫁投繯身死之例准其

旌表令該撫轉行該地方官給銀二十兩聽本家自行建坊外其該縣節

孝祠內設位之處照

恩詔定例遵行奉

旨依議

因姦殺死小功服孀

康熙三十年 月刑部會看得劉從標殺死小功服孀曹氏一案據
 安撫江有良審擬斬罪具題查劉從標窺堂叔劉以澄妻曹氏少女
 于康熙二十八年五月二十四日聞以澄往城欲往行奸帶斧防身
 于是夜二更時分潛至以澄家內扯氏強奸因氏喊拒即將氏髮拴
 手希圖逼從曹氏詈罵愈激從標用斧砍死幼女福姐聞聲將起從
 標亦舉斧斃命歷審情真查因奸故殺小功服孀律無正條劉從標
 合比依卑幼毆本宗小功尊屬至死律擬斬立決再該撫疏稱曹氏
 堅貞全節應請獎勵等語曹氏應否

旌獎之處交與禮部議可也奉

旨劉從標着卽處斬餘依議

因姦不從故殺總麻尊屬

康熙三十三年五月刑部會看得席大州砍死總麻服嬖李氏母女
二命一案據直撫郭世隆疏稱席大州欠李氏錢未償于康熙三十
二年十二月初七日李氏索討大州誘氏進房隨行拉姦李氏不從
情急喊救大州持斧連砍李氏耳後等處以致李氏當時殞命氏有
女在傍恐事敗露併行砍死席大州比照毆總麻尊屬至死律擬斬
監候秋後處決等因具題查大州強姦李氏不從持斧砍死又恐敗
露將李氏之女復行砍死明係有心殺死不是無心鬪毆致死不便
依鬪殺律擬斬查律內並無卑幼故殺尊屬之條又律載謀狀顯跡
明白雖一人同二人之法等語席大州合改依謀殺總麻以上尊長
律擬斬立決席大秀審係無干毋庸議至李氏青年失偶貞節自持
允宜表揚將李氏應否

旌獎之處交與禮部議可也奉

旨席大州着卽處決餘依議 原招內查律載毆大功以下尊屬至死者
斬註云在本宗小功大功兄姊及尊屬則決似乎總麻尊屬不在立
決之內今席大州擬斬監候似不爲枉

強姦總麻服孀致死

康熙六十年八月刑部啓奏因姦致死總麻服孀之董永錫擬以秋
後處決一案奉

旨律內姦服孀者卽行處決因姦致死服孀議以秋後處決輕了着九卿
具奏欽此會查律載姦總麻以上親之妻強姦者 姦夫斬監候等語
但永錫將總麻服孀欲行強姦以致王氏自縊身死情屬可惡應將
董永錫比照姦期服孀母強者姦夫斬決應擬斬立決

調戲服婚致令自盡比例擬斬本婦准 旌表

乾隆七年十二月刑部會議覆普寧縣民陳元遠調姦總麻服叔陳孟秀之妻沈氏羞忿自盡一案據廣撫王 疏稱陳元遠與陳孟秀同族而居緣陳孟秀外出駕船爲生遺妻沈氏與幼子獨處一室乾隆六年十二月二十日早沈氏燃燈開門起炊早飯嗣因幼子啼哭坐于床上抱子喂乳時近黎明適陳元遠牽牛往外牧草經過沈氏門首見屋有燈火入內取火吃烟四顧無人止有沈氏獨坐在床陳元遠淫心頓起遂走到床邊樓抱沈氏求姦沈氏不從捨取陳元遠之帽叫喊陳元遠恐其執帽爲據與沈氏爭奪沈氏堅持不放陳元遠遠咬傷沈氏右手大指奪帽牽牛而逸維時沈氏之姑林氏另居一室與鄰人陳奕夫陳君耳聞聲趨至陳元遠先已逃道當經驗明沈氏指傷而散迨陳孟秀歸家沈氏告知前情陳孟秀投明鄉長陳伯

泰同往投訴陳元遠之祖陳他石他石答俟陳元遠歸家責處陳孟秀旋即赴船而去詎沈氏在家羞忿莫釋卽于是日午候在房自縊身死伊姑林氏知覺解救不及屢審不諱查例載強姦未成或但經調戲本婦羞忿自盡者擬絞監候係指凡人調戲致死而言今沈氏係陳元遠總麻服婚例內並無調姦總麻服親之妻未成致令目盡作何治罪之文但陳元遠與沈氏誼屬總麻尊長名分攸關未便照凡人科罪陳元遠應比照強姦總麻以上親之妻未成本婦羞忿自盡例擬斬監候遵例聲明請

旨遵行等因具題查例載強姦未成或但經調戲本婦羞忿自盡者擬絞監候乃指凡人而言若服制攸關自不得以凡人一例科斷現今臣部辦理調姦未成致本婦羞忿自盡案件其有係總麻以上服制者俱照依強姦內外總麻以上親未成本婦羞忿自盡例擬斬監候今

沈氏係陳元遠總麻服婚陳元遠圖姦沈氏以致沈氏羞忿自盡應將陳元遠照依強姦總麻以上親未成本婦羞忿自盡例擬斬監候秋後處決其該撫將陳元遠比附罪名援例聲明之處應毋庸議該撫既稱屍夫陳孟秀鄉長陳伯泰鄰人陳奕夫陳君耳與無干之陳他石先行摘釋陳孟秀之母林氏老病臥床已據伊子到案供明應免提訊以省拖累等語均應毋庸議再該撫疏稱沈氏被陳元遠調姦不從羞忿自盡節烈可嘉相應照例題請

旌表以昭風化等語查沈氏因陳元遠調姦羞忿自縊似茲貞烈洵屬可嘉應照強姦不從以致身死之例准其

旌表令該撫轉行該地方官給銀三十兩聽本家自行建坊外其該縣節孝祠內設位之處照

恩詔定例遵行奉

成案彙編 卷十一
自陳元遠依擬應斬著監候秋後處決餘依議

調姦堂嫂不從又屢次辱罵致令羞窘自盡

雍正八年二月刑部會議覆蘇撫彭 疏稱陽湖縣馮繼冉與堂弟馮繼韓同居各巽雍正五年八月二十七日馮繼韓賙馮繼冉外出程寫汚姦情書一紙投于馮繼冉之妻薛氏織布机上薛氏識字看見喊叫馮繼韓潛逃馮繼冉晚歸薛氏告知鳴族迨九月初七日繼韓回家薛氏向與理論馮繼韓反行詈罵薛氏氣忿刎傷頸項經族眾將馮繼韓責懲擯出公祠雍正六年三月二十七日薛氏與馮繼冉偶立門前馮繼韓不思改悔復行辱罵致相爭鬧經馮于一勸散薛氏被辱情窘卽二十八日投繯殞命審擬具題馮繼韓合依因姦威逼人致死律以斬監候刺字薛氏強姦不從以致身死應令該撫轉飭該地方官照例給銀三十兩聽本家自行建坊外其該縣節孝祠內設位之處照

恩詔定例遵行奉

旨依議

強姦弟婦致死

康熙五十九年十一月刑部咨開大學士馬齊等啟奏直隸寧津縣人王大因見弟婦賈氏獨自在家切菜卽欲謀姦扯其褲帶賈氏不從怒罵卽持切菜刀自抹而死一案折本奉

旨族內通姦者並男女立斬王大因姦致死親弟婦情由可惡部內擬以候斬罪不是了着問九卿詹事科道具奏欽此問得九卿詹事科道等云王大因姦親弟婦雖未成姦因姦致死情屬可惡應比姦小功以上親炤新例擬斬立決將本發還刑部另議具奏可也續經刑部議將王大擬斬立決賈氏強姦不從自抹身死應照例給銀三十兩賧本家自行建坊可也奉

旨王大着卽處斬餘依議

圖姦子媳致令自縊

雍正八年七月刑部會議覆安撫魏 疏稱石埭縣已革生員吳璉
芳因伊妻佻子咸往妻父胡大田家祝壽吳璉芳有服未往止遣子
婦胡氏在家吳璉芳借取夾剪爲名走入媳房捏手逼姦胡氏忿罵
吳璉芳遂用鞭桿毆打以致胡氏自刎未死婢女夏妹洩言告知胡
氏之父吳璉芳即借端將夏妹毆斃至本年除夕吳璉芳又借辦祭
稍遲爲名詈罵胡氏以致胡氏自縊身死將吳璉芳照親屬強姦未
成律發邊衛克軍等因具題臣部等衙門以吳璉芳身列青衿現居
母喪乃因顧倫紀逼姦子媳以致胡氏忿激刎頸復以婢女夏妹洩
言即將夏妹借端毆斃又借辦祭稍遲詈罵挫辱胡氏以致胡氏自
縊身死釁起圖姦情同威逼吳璉芳改照因姦威逼致死律擬斬監
候秋後處決奉

旨吳璉芳圖姦子婦胡氏以致胡氏刎後自縊又毆打婢女夏妹斃命巡撫魏廷珍將吳璉芳照親屬強姦未成律發邊衛克軍刑部改照因姦威逼致死律擬斬兩擬輕重不倫魏廷珍見部所改將以爲殘忍乎或以爲苛刻乎據魏廷珍所引之律乃強姦未成之條而置人命於不問且吳璉芳名列膠庠事關倫紀若照魏廷珍所擬歸結果足以服人心而彰風俗乎在魏廷珍如此具奏必有意見或係按察使劉柟定擬或係魏廷珍曾經授意者魏廷珍劉柟各行明白回奏欽此嗣據魏廷珍奏稱臣與劉柟定吳璉芳之罪俱擬克軍全無授意於劉柟之處部中改擬斬罪是又准乎情度乎理斟酌調劑因時協宜以振風化所見深遠等語又據劉柟奏稱吳璉芳圖姦子婦致胡氏自縊而姦則未成正律註所云強姦未成而婦自盡者似未便舍本條而別引臣遂照親屬強姦未成例擬軍撫臣魏廷珍全無授意之處至部臣改擬因姦威逼之條實臣一時愚昧見不及此等因奉

旨朕待內外臣工均爲一體蓋同辦理國家之事總以理爲斷全無內外之可分輕重之可論此本內吳璉芳一案內外兩擬輕重不倫今劉柟回奏內稱似未便舍本條而別引此語中含譏諷而又依從部臣改擬之條是自相矛盾也若劉柟所擬果是則當執理固爭若部擬果是則劉柟不應有譏諷之語朕深惡此心口互異詐僞姦險不忠之風着刑部堂官明白回奏欽此臣等謹查律載因姦威逼致死人命不論已成未成審有挾制窘辱情狀者擬斬監候並未載有親屬不在此律之語至誣執翁姦條內小註有強姦子婦未成而婦自盡照親屬強姦未成例擬軍等語此蓋指但係圖姦而無威逼情事其婦羞忿自盡者而言若實有挾制窘辱情狀則以因姦威逼致死之律爲正條此案胡氏刎後自縊實緣吳璉芳之挾制窘辱科以因姦威逼致死之

律原屬本條劉柟引誣執翁姦條內之小註照親屬強姦未成例擬軍是但科以圖姦之罪而致人命於不問誠所謂別引也吳璉芳仍應照臣部等衙門原擬等因奉

旨這回奏情節着魏廷珍劉柟明白回奏欽此復據魏廷珍等奏稱此案總因愚陋之見以吳璉芳與胡氏分屬翁媳不敢擅引因姦威逼之條故照親屬強姦律定擬前奏稱未便舍本條而別引非敢語含譏諷至臣細繹部議吳璉芳身列膠庠行同禽獸按情罪浮於律是以請照部臣改擬之條以為振刷綱常起見實非心口互異等因奉

旨魏廷珍劉柟着交部察議具奏從前魏廷珍回奏之本併發欽此續經吏部查奏奉

旨魏廷珍劉柟所有應行處分各案俱照恩旨之例悉行寬免欽此此案應無庸議在案吳璉芳應照因姦威逼人致死律擬斬監候秋後處

決等因具題奉

旨吳璉芳依議應斬着監候秋後處決

繼母因姦謀殺前妻之女照凡人論

康熙二十六年六月刑部會看得劉永芳等謀殺安二姐一案據直
撫李 審擬斬杖併請將高氏從重定擬具題查安二姐之父安進
功出往別省劉永芳與二姐繼母高氏通姦已後知進功回家有
期恐二姐洩其姦情遂與高氏商謀欲行併姦以圖容隱設若不從
擬定致死滅口于康熙二十五年十月二十九日夜永芳逼姦二姐
二姐堅執不從永芳先持棒捶狠擊繼用火鏟燒烙高氏擒住二姐
兩手用火筋扎腿身無完膚同永芳將二姐用麻繩套脖狠勒以致
二姐立時身死歷審情真劉永芳合依謀殺人造意律擬斬監候秋
後處決高氏知安進功回家有期恐二姐洩其奸情與劉永芳商謀
併奸以圖容隱如不從擬定致死滅口劉永芳逼姦二姐二姐堅執
不從高氏擒住二姐兩手用火筋扎腿身無完膚又將二姐用麻繩

套脖狠勒以致二姐立時身死查律內凡父母故殺子者杖六十徒一年繼母殺死者加一等等語惟高氏情罪可惡應比照故殺妻前夫之子以凡人論律擬斬監候秋後處決刑書高祿聽劉永芳囑托受錢四千暗換刀鞘合依官吏受財計贓科斷在法贓一兩至五兩杖八十無祿人減一等律杖七十遇熱審減等杖六十折責二十板革役劉三黑子囑楊媒婆轉央高氏不扳永芳劉三黑子楊媒婆俱合依不應重律各杖八十折責三十板劉應昌先會與高氏通姦合依民人與相等人妻通奸例枷號一個月責四十板但劉三黑子等事犯在康熙二十六年五月初三日

赦前應免罪高祿所得之錢併高氏所得衣服俱照追入官安二姐堅貞自矢不爲所污其應旌表之處交與禮部議可也奉

旨劉永芳高氏俱依議應斬著監候秋後處決餘依議 附司看看得姦

夫淫婦之惡世或有之未有已欲宣淫而竟殺其子女以自便者如劉永芳之與高氏謀殺安二姐一案真奇慘極惡爲案牘中所罕見者也高氏爲安進忠繼妻性淫而毒康熙二十四年三月內進忠覓食河南日久不返劉永芳與氏貼隣居住卽與氏姦好情熟二姐係進忠髮妻所生年已及笄雖薰蕕異質不爲所污而朝夕與居稔知其醜適進忠有臘月歸家之信永芳懼二姐漏泄姦情輒欲并姦二姐以塞其口十一月二十九日遂與高氏定姦殺二姐之謀氏卽允從永芳卽手持棒槌身佩小刀裸赤下體登榻逼姦二姐誓死不從永芳將棒槌狠擊二姐顛門手指高氏復擒住兩手永芳坐住頭顱使其不能叫喊掙扎永芳復持火鏟遍烙肢體高氏持火箸扎腿旋以麻繩套脖併力拉勒二姐立時身死永芳克惡愈熾又以小刀戳其陰門割其兩膝以洩行姦不遂之忿刀槌炮烙慘毒備施殺命殘

屍宛惡已極歷審各犯自認情真傷械現據永芳合依凡謀殺人造
意律斬抵不枉高氏合依故殺子孫律杖徒收贖查犯姦有柳號一
月鞭一百之例似較重於杖徒受贖之罪應照律柳責刑書高祿聽
從劉永芳囑托受賄錢四千暗換刀鞘除計賍輕罪不議外合依凡
當該吏聽從曲法囑托公事已施行律滿杖奚辭賍錢四千照追入
官劉三非永芳同宗原屬事外其囑楊媒婆轉央高氏不扳永芳之
處據稱因永芳初審未招恐係冤誣令其不要妄扳好人實屬無心
並無受賄情弊然囑托是真與聽從轉囑之楊媒婆依律笞做楊媒
婆係婦人照律納贖劉永芳所送高氏衣服四件應於高氏名下追
出一併變價入官餘犯無干相應省釋至於安二姐以村庄幼女秉
性堅貞寧甘捐軀之慘不為強暴所污應請旌表以振風化本道更
有請者查律載嫡繼慈養母殺者謂其終與親母有間毆死故殺猶

各加等凡繼母與人行姦又與姦夫同謀強姦殺女不特母道全無
而風化人倫絕滅已盡若照律例治罪實屬情重法輕其何以戒天
下之為繼母而淫且毒者但此等罪惡律無正條應否比照故殺妻
前夫之子律以凡人論擬斬抑或比照凡謀殺人從而加功者律擬
絞併請題明從重擬罪之律以遏淫風以杜殺機其有神于風俗人
倫誠非淺鮮也伏候憲裁

強姦小功姪女未成致令自盡

雍正六年九月刑部會議覆義烏縣民駱錦球強姦小功姪女駱喜娘未成自縊身死一案據浙督李 疏稱緣喜娘年甫十八已字未嫁雍正五年十一月二十六日夜其家失鷄一隻次早前往園內找尋適駱錦球亦在彼拾糞遇見錦球輒起淫念詭稱鷄在園礮之中誑其往覓拏倒在地強欲行姦喜娘堅拒不從厲聲喊叫錦球卽以手捫其口值喜娘之妹厨娘表弟朱哲亦往尋鷄聞聲趨救錦球負慚而逸喜娘奔歸告知其母張氏又往訴駱錦球之妻華氏華氏反護其夫致相詬詈喜娘哭回上樓不肯飲食志在捐生因張氏與厨娘環守不離無由自盡延至二十八日午後張氏見其連日勺水不進忿恨之至喊罵錦球并及華氏華氏趨往爭釀以致張氏與其幼女厨娘下樓俱向華氏爭鬧喜娘隨卽乘間自縊殞命墜審錦球雖

未成姦然其騙往等地柵口肆行強暴之狀現有厨娘朱哲目擊該犯亦自認不諱駱錦球應比照因姦威逼人致死律擬斬監候係情重法難寬宥應俟部覆到日照例刺字華氏明知喜娘受辱難堪忿不願生猶欲袒護其夫詬詈之後又復上門爭鬧致速喜娘之死此等悍婦不准收贖應照不應重律杖八十不足蔽辜再枷號一個月示儆等因具題應如該督所題駱錦球應比照因姦威逼人致死律擬斬監候查駱錦球情重法難寬宥之犯應照例刺字華氏應不准收贖合依不應重律杖八十再枷號一個月示儆再該督疏稱喜娘堅不受辱立意捐生應請援例

旌表以維風化等語查駱喜娘強姦不從以致身死與例相符令該督轉行該地方官照例給銀三十兩聽本家自行建坊外其該縣節孝祠內設位之處照

恩詔之例遵行奉

旨駱錦球依擬應斬着監候秋後處決餘依議

調戲母妹以致羞忿自盡

乾隆七年六月刑部會議覆番禺縣民藍有生調戲母妹杜氏羞忿自盡一案據廣撫王 疏稱緣藍有生隨同胞兄藍有梅前至番禺縣屬水口村耕田度活廖文陞之妻杜氏係藍有生親母胞妹誼屬姨甥居處相近廖文陞向在增城縣地方教讀遺妻杜氏并幼子在家乾隆六年五月十七日晚一更時分藍有生從杜氏門外經過向門縫窺氏獨坐在房績麻二子俱寢忽萌淫念欲行調姦詒稱取火吃烟叫氏開門進屋卽以手摸杜氏之奶杜氏斥罵藍有生慌忙奔出恐杜氏告知伊兄于十八日躲往增城傭工是日杜氏卽將藍有生調姦情由告知藍有梅十九日晚藍有生歸家藍有梅責罵藍有生藍有生妄冀抵賴欲向杜氏處辯明被藍有梅趕打攔回并稱次早帶藍有生向杜氏請罪詎杜氏氣忿莫釋二十日早潛往山上採

服毒草歸家毒發伊子叫喊保鄰馬鳳華等前往灌救不及當卽殞命歷審不諱查杜氏係藍有生親母胞妹服屬小功律載姦母之姊妹强者姦夫決斬但藍有生係因調姦杜氏致氏羞忿自盡並未行強與強姦母妹之律未符至例內但經調戲本婦羞忿自盡者擬絞監候係指凡人而言今杜氏係藍有生親母胞妹誼屬姨甥名分攸關未便照凡人科罪第調戲母妹以致羞忿自盡者作何治罪例無明文將藍有生比照強姦總麻以上親未成本婦羞忿自盡例擬斬監候照例聲明請

旨遵行等因具題查例內凡強姦未成或但經調戲本婦羞忿自盡者擬絞監候乃指凡人而言若服制攸關自不得以凡人一例科斷現今臣部辦理調姦未成致本婦羞忿自盡案件其有係總麻以上服制者俱照依強姦內外總麻以上親未成本婦羞忿自盡例擬斬監候

今杜氏係藍有生親母胞妹服屬小功藍有生圖姦杜氏以致杜氏服毒自盡應將藍有生照依強姦內外總麻以上親未成本婦羞忿自盡例擬斬監候秋後處決其該撫將藍有生比附罪名援例聲明之處應毋庸議該撫既稱無干之藍有梅及屍夫廖文陞保隣馬鳳華等俱經訊明先行省釋等語應毋庸議再該撫疏稱杜氏被藍有生調姦不從羞忿自盡節烈可嘉應照例題請

旌表以昭風化等語查杜氏因藍有生調姦羞忿自盡應照強姦不從以致身死之例准其

旌表行令該撫轉行該地方官給銀三十兩聽本家自行建坊外其節孝祠內設位之處照

恩詔定例遵行奉

旨藍有生依擬應斬着監候秋後處決餘依議

欲納家生女爲妾致死女之祖父母二命

乾隆四年九月刑部會議覆戴傑等因姦謀殺家人王傑并威逼王傑妻李氏投井身死一案據直督孫 疏稱緣戴傑係鑲藍旗滿洲閒散居住京中地畝坐落永邑交家人王傑管理雍正十三年八月內戴傑赴鄉收租見王傑孫女大女兒年甫十二頗有姿色輒欲收納王傑不允越日王傑赴京戴傑卽令大女兒陪睡王傑之妻李氏不敢違拘任其姦宿嗣王傑回家不令大女兒同宿戴傑忿恨起意謀害至十一月十八日晚見王傑飲醉遂令家人大小子幫殺王傑大小子未允戴傑執刀恐嚇大小子被脅允從潛行進屋戴傑卽令大小子騎壓王傑之身攀住兩手戴傑持刀向王傑咽喉處所將食氣顛割斷殞命戴傑又令大小子將小刀放屍胸下作爲自抹情形復嚇囑李氏等不許說出被殺情由李氏卽捏稱伊夫自抹身死報

縣驗審因屍子王七等回京提審將戴傑暫行保釋詎戴傑歸家復將大女兒竟行收納又因李氏雙目失明不能力作毆打凌虐給與刀繩逼其自盡以致李氏投井身死嗣准部咨查明王七已故將屍姪二虎等發縣屢審不諱查戴傑將十二歲家生女大女兒姦宿因伊祖王傑不允卽行慘殺事尚未結又因伊妻李氏雙目失明養贍不甘逼令投井身死淫惡已極將戴傑擬遣不准援免大小子擬絞胡士玉擬杖援

赦等因具題應如該督所題戴傑合比照家主將奴僕之妻圖姦不遂因而毒毆致斃不分官員平民發黑龍江等處當差依例應解部發黑龍江等處當差該督既稱戴傑雖事犯在

恩詔以前該犯淫兇殘忍不應援免等語應不准援免再該督疏稱大小子稱同攀壓已屬加功合依謀殺人從而加功律擬絞監候該犯係

被伊主逼脅隨行情尚可原應否末減聽候部議等語查戴傑詭計殺人從而加功者擬絞又律載若威力主使他人毆打致斃者其下手爲從之人滿流查大小子被伊主戴傑喝令幫殺王傑大小子先不允從迨戴傑執刀嚇殺大小子始行聽從肇壓是大小子實因伊主用刀逼嚇情非得已與夥同謀殺從而加功者不同若將該犯擬絞又復原情減流情罪既不相符律義更未妥協應將大小子改照威力主使他人致死人爲從律杖一百流三千里作胡士玉相驗王傑身屍盆不報明被人殺死應照作檢驗不實律杖八十遇熱審減一等杖七十大小子等均事在

恩詔以前相應援免胡士玉仍革役該督又稱查定例內八旗官員平人將奴僕毆殺者其被殺奴僕之親屬係旗人聽其在旗投主係民人放出爲民不得追取身價等語今被殺之王傑所有親屬除伊女王

氏久經聘嫁伊媳劉氏已經收嫁李文明係其義子本屬民人均無庸議外應將伊孫女大女兒令其在旗投主惟是大女兒年甫十六未便隻身投主應請交與伊姑母王氏收養擇配等語應如該督所題完結該督又稱該縣丁廷植初驗之時未得實情今已自行審出請免置議等語查此案王傑係被兇犯載傑殺死該縣相驗王傑身屍理應詳加檢驗乃遽以自殺通報後因伊親孫女大女兒自行供出該縣始將實情審明不便免議查定例官員驗屍聽信伴作有傷報稱無傷或將打傷砍傷報稱跌傷磕傷者降二級調用等語應將檢驗不實之永清縣知縣今陞天津府河捕通判丁廷植於現任內降二級調用奉

旨載傑因強納家人王傑十二歲之孫女遂將王傑立時絞死及納女之後又將王傑之妻毒打逼令自盡淫兇殘忍草菅人命擬以發遣不足蔽其辜著該部另行定擬具奏

戊辰年五月
卷一

逼姦僕婦以致羞忿自盡

雍正五年十二月刑部會看得湖廣荊州府駐劄鑲紅旗佐領色克家上稅所買小子之妻丁姐自行抹頸身死總督傅會同副都統白觀審出實情擬以充軍徒杖具題一疏除色克姦污丁姐致死賄買屍親改供又徐次元得銀二兩八錢朱朝啟得銀一十五兩八錢小子得銀五兩各輕罪不議外查色克身為佐領不思奉公守法將家人小子之妻丁姐逼打成姦以致丁姐羞忿自盡復抑勒小子改供飾罪又計誘將軍家人齊倫太至家誣稱訛詐將齊倫太捆縛挾制將軍希圖完事刁惡已極漸不可長不應照該督所擬軍罪折柳責完結應將色克比照寧夏披甲鄂拖禮控告本管上司之案擬斬監候秋後處決徐次元把什泰朱朝啟小子馮善長彭締友俱應如該督所題作徐次元領催把什泰合依說事過錢者與受財

戊辰年五月
卷一
人命
四十四
威逼人致死

人同科例二十兩杖六十徒一年把什泰係旗人枷號二十口鞭六十革退領催徐次元係無祿人減一等杖一百折責四十板仍革役屍兄朱朝啟合依卑幼被殺尊長私和依服制減卑幼一等杖七十徒一年半律徒一年半至配所杖七十折責二十五板小子合依妻被殺而夫私和律杖八十係旂人鞭八十交與該旂固山大量價發賣身價入官丁姐表叔馮善長係無服親合依常人私和人命律杖六十折責二十板彭諦友得銀一兩二錢合依枉法賍一兩至五兩杖八十無祿人減一等律杖七十折責二十五板徐次元等各名下所得賍銀照追入官該督既稱徐次元馮善長彭諦友名杖罪已經折責發落應無庸議將軍家人齊倫太雖無訛詐情事但因圖利竟行私往亦應如該督所議枷號三個月鞭一百再查律內一家人共犯止坐尊長婦人同犯獨坐夫男等語亦應如該督所議應將色克

家人狗兒八什兒色克之子常保柱小子之丑馬大姐丁姐孀母劉氏均照律免議再該督疏稱將軍吳納哈前未審出實情又平日不行嚴束家人致齊倫太私往色克家亦屬不合應聽部議副都統白觀 現今公同審出實情照例免議等語除副都統白觀 既經自行審出實情應照例免議外查定例內斬絞人犯未經審出實情經別官審出者將未經審出官降一級調用等語但吳 身為將軍平素不能嚴束家人以致齊倫太希圖得銀私往色克家去甚屬不合不便照此例議處應將將軍吳 降二級調用查吳 有加一級銷去加一級抵降一級仍降一級調用奉 旨色克依擬應斬着監候秋後處決吳納哈着銷去加一級抵降一級仍降一級從寬留任餘依議

僕婦拒暴全節自盡亦准 旌表停其設位

雍正九年七月刑部會議覆河督田 題商水縣監生陳兼優之雇
工人劉聖全強姦陳兼優之僕婦張氏自縊身死并聲明例應
旌表聽候部奪一案劉聖全合依因姦威逼人致死律擬斬監候查康熙
五十二年八月內宛平縣高欽文家人王予泰因姦致死一主家人
鍾宜之妻劉氏臣部以劉氏雖係僕婦因強姦不從以致身死題請
旌表奉

旨依議欽遵在案今張氏雖係僕婦因姦不從以致身死與劉氏之例相
符應令該督照例給銀三十兩交與伊主陳兼優于張氏墓前建立
牌坊至該縣節孝祠內設位之處若一體入祠未免良賤不分應停
其入祠設位可也奉

旨依議

備婦被工主逼姦自刎身死墓前建坊祠內設位

雍正三年五月刑部會議覆安撫李 疏稱五河縣民白三同妻謝氏當與已革監生沈晉升家傭工晉升見謝氏稍有姿色蓄意圖姦許給白三地畝令其誘妻與伊同寢白三應允向氏說知氏不肯從白三又令晉升再試其妻晉升竟至其室求姦謝氏喊拒雍正二年四月十六日晚謝氏刷洗鍋灶打碎六碗晉升乘机嚷罵追謝氏歸房就寢晉升詐言要茶哄回拉氏逼姦晉升恐人聽聞將氏拉至馬屋正欲行姦謝氏預帶厨刀防身持刀向砍晉升奔逸氏即自刎身死歷審不諱將沈晉升等擬以斬杖具題沈晉升合依因姦威逼人致死律擬斬監候白三應照抑勒妻妾與人通姦律杖一百已經折責發落白三雖傭工之日未滿今伊妻既被逼姦刎死應令放出沈晉升家聽其自便均毋庸議再謝氏被夫抑勒與雇主通姦氏不肯

從後晉升累次強姦謝氏堅貞自守終不爲其所污旋卽自盡寔節婦中之超衆者與尋常節烈婦女不同應照例給與建坊銀三十兩外再加給銀十兩交與本夫令地方官監督于氏墓前建立碑坊務須堅固并將節烈寔跡鐫刻于上建坊之日遣該學教官致祭一次該縣節孝祠內設位之處照

恩詔定例遵行嗣後如有此等超衆節烈婦女俱照此例

旌表奉

旨依議

奴奸主妾拿獲勒死

康熙五十年 月刑部看得旂人陳颺言因家人郭林與妾梁氏通奸將郭林勒死梁氏羞愧自縊身死一案據直督趙 疏稱陳颺言于康熙十五年間白契價買郭成恩成恩次子郭林向與颺言之妾梁氏通奸五十二年六月初三日夜乘颺言不在家郭林又進梁氏室內宣淫被颺言之子陳永公看見率僕傅世成等在院站候伊自進房捉奸郭林赤身驚起拳推永公奔出傅世成等用棍擊倒細縛次日颺言回家欲送官究治郭林父兄等哀懇情願領歸處死颺言依允後郭成恩父子不忍下手颺言復于初四日令伊家人傅世奇司雲龍等將郭林勒死梁氏羞愧自縊郭環控告伊主勒死伊兄歷審情真將陳颺言等擬以杖罪具題陳颺言各依奴僕有罪家長不告官司因而毆殺者杖一百律係旗人鞭一百聽從陳颺言指使

之傅世奇司雲龍等均照不應重律杖八十係旗人各鞭八十郭環
應照控主之例杖一百係旗人鞭一百該撫既稱陳颺言等已經發
落均毋庸議陳永公因見家僕郭林奸伊父妾拿獲亦毋庸議奉
旨依議

工人乘機調姦工主弟婦致令羞忿自盡

雍正八年 月刑部會議覆直督唐 疏稱元城縣民周榮貴僱與
孫月朴之兄孫月枝傭工孫月朴與孫月枝各爨同居雍正七年六
月二十三日孫月枝外出孫月朴赴地看葱時至二更孫月朴之妻
謝氏因天氣炎熱出院裸體乘涼不覺睡熟適榮貴起喂牲口赴院
取草窺見謝氏裸體酣睡頓起淫心拉氏求姦氏即驚醒喝罵周榮
貴退出及孫月枝孫月朴先後歸家氏即備訴前情孫月枝等恐醜
聲外揚勸氏隱忍詎氏愧忿交加堅欲絕食勸慰莫釋于是月二十
六日乘夫外出投繯殞命審疑具題周榮貴合依因姦威逼至死律
擬斬監候刺字再該督疏稱謝氏以田野村婦不為強暴所污乃復
捐軀明志應請

旌表以維風化等語查定例內凡婦女強姦不從以致身死者

旌表等語今謝氏強姦不從以致身死與例相符應令該督轉行該地方
官照例給銀三十兩聽本家自行建坊外其該縣節孝祠內設位之
處照

恩詔定例遵行奉

旨依議

因姦殺死二命

雍正十年三月刑部會看得直督唐 題正定縣民徐二福貴強姦
宋氏復持刀砍死劉氏閨氏一案緣徐二福貴與杜喜柱比鄰而居
雍正八年九月二十六日杜喜柱之母劉氏探親外出杜喜柱在街
看守棉花僅遺童養未婚之宋氏在家徐二福貴往彼取火見宋氏
獨處頓起淫心將宋氏挾抱至家恐嚇成姦劉氏歸尋伊媳徐二福
貴始將宋氏放回劉氏母子詢知其事至徐二福貴家碎其家伙并
告知鄉長杜雲程稟報緝拿徐二福貴於二十九日黎明歸家見家
伙打碎遂持鎌刀尋砍杜喜柱未遇卽將杜喜柱之母劉氏砍傷復
怒杜雲程不爲和處稟報拘拿往彼尋殺未遇將杜雲程之妻閨氏
砍傷閨氏越十二日殞命劉氏越十六日殞命歷審不諱查杜雲程
與杜喜柱雖已出服非係同居但徐二福貴將宋氏強拉至家威逼

成姦復將劉氏閭氏用刀砍傷連斃二命甚屬兇惡應比照殺一家
非死罪二人例擬斬立決奉
旨徐二福貴着卽處斬餘依議

強姦致死二人

康熙五十四年二月刑部議准陝撫永 題虞傑倫致死吳氏沙氏
一案查康熙五十二年十一月內據江撫張 題包大因姦戮死陸
氏陳大一案臣部以包大因強姦連斃二命淫惡已極將包大改爲
擬斬立決具題奉
旨包大着卽處斬餘依議欽遵在案今虞傑倫因強姦連殺二命與包大
之案相符應將虞傑倫照包大改爲擬斬立決

強姦不從殺死民婦因係盜犯從重擬決

雍正四年五月刑部會議覆江撫張 題句容縣民華起明強姦王
氏不從將王氏殺死一案查華起明係行劫江寧吳美範家盜犯又
同伊弟僧人法行至嚴有祥家強姦王氏不從即將王氏立時殺死
兇惡已極不便照故殺律應將華起明照光棍爲首例擬斬立決奉
旨依議

二人強姦殺死照謀殺首從

康熙四十二年七月刑部會看得高正全等強姦謀殺馮根姐一案
據直撫李光地審擬斬絞具題查馮之秋高正全高燦俱同村居住
康熙四十一年六月二十八日馮之秋次女馮根姐送伊姊歸婆家
高正全高燦路遇正全遂與高燦商謀欲行強姦等候根姐獨回正
全高燦抱住抬入高根地內剝褲強姦根姐叫罵不允聲言欲訴其
父正全害怕未得成姦與高燦商謀欲將根姐殺死令高燦按根姐
之體自按胸膛持鎌刀兩砍根姐項下立死歷審情真高正全依
謀殺人遺意律擬斬高燦合依謀殺人從而加功律擬絞俱候秋
後處決再該撫疏稱馮根姐以十四歲幼女矢志貞潔寧甘身死不
被強暴玷污應請

旌表以維風化等語查婦女強姦不從以致身死者例應

旌表今馮根姐強姦不從以致身死相應照例咨行該撫給銀三十兩
本家自行建坊可也奉
旨高正全依擬應斬高燧依擬應絞俱着監候秋後處決餘依議

強姦不遂越日刀砍本婦身死并傷旁人

雍正六年五月刑部會議覆長汀縣人張辛林砍死熊氏一案據福撫常疏稱張辛林與陳輝璧所居同門各室陳輝璧外出生理其妻鍾氏及女陳氏皆往母家惟姪陳廣發與妻熊氏在室雍正五年八月初二日夜張辛林乘陳廣發往外未回頓起淫心直入熊氏卧房強逼求姦熊氏守志不從疾聲喊叫張辛林驚逸遺鞋一隻嗣陳廣發回家熊氏告知其事初三日陳廣發接回鍾氏母女并投明地保熊氏義憤激烈詈罵張辛林兼毀其什物張辛林淫心未遂復受毀什物卽萌殺機于初四日早執持腰刀奔至熊氏厨房砍斷熊氏左手腕及傷左膝左耳根左肱肘等處登時殞命鍾氏陳氏聞叫奔援亦被張辛林砍傷肩甲腦後肱肘鍾氏陳氏傷各平復歷審不諱將張辛林擬斬等因具題應如該撫所題張辛林合依謀殺人造意

律擬斬監候秋後處決再該撫疏稱熊氏年方十五節烈凜然不受強暴之污甘守捐軀之義志堪矢日行足維風乞

賜旌表等語查熊氏強姦不從以致身死與例相符應令該撫轉行該地方官照例給銀三十兩聽本家自行建坊外其該縣節孝祠內設位之處照

恩詔定例遵行可也奉

旨張辛林依擬應斬着監候秋後處決餘依議

圖姦隣女立時扎斃其命

乾隆五年七月刑部會議覆趙大圖姦雷大姐不遂將雷大姐扎傷身死一案據直督孫 疏稱緣趙大賃住雷五房屋傭工度日見雷五姪女少艾蓄意圖姦適雷大姐祖母舒氏因伊女物故往弔雷五又在鄰人張齊坦家傭工雷大姐亦至張齊坦家詎趙大頓起淫心購備小刀攜帶身邊詭稱爲雷五種園誑雷大姐回家做飯雷大姐不知其計卽行歸家和趙大假以尋艾火繩爲由向摸雷大姐胸脯雷大姐喊叫不從并稱欲向伊叔告訴趙大恐雷五聞知隨拔刀扎傷雷大姐咽喉心坎肚腹等處而逸當將趙大拿獲雷大姐旋卽殞命屢審不諱將趙大依律擬斬立決并聲明該犯業已在監病故等因具題應如該督所題趙大合依因強姦而將本婦立時殺死例擬斬立決但該犯業已在監病故旣經該督訊明刑禁人等並無凌

虐致死情弊應毋庸議該督疏稱雷大姐青年處女不為強暴所汚身遭慘殺貞節可嘉應請

旌表以維風化等語查雷大姐因姦不從以致身死與例相符應令該督轉行該地方官照例給銀三十兩聽本家自行建坊外其該縣節孝祠內設位之處照

恩詔定例遵行再該督疏稱監斃斬犯趙大之管獄官係涿州吏目方輔相應附叅聽候部議等語查定例斬絞人犯監斃一名者管獄官罰俸一個月等語應將監斃斬犯趙大一名之管獄官涿州吏目方輔罰俸一個月奉

旨依議

求姦不避毒打本婦越二日身死

乾隆二年九月刑部會覆信宜縣民李相清強奸陳奇貴之妻李氏不從將李氏毆死一案據署廣撫鄂疏稱李相清與李氏同姓不宗素無嫌怨緣李相清為鄉衆雇充壯丁巡查地方乾隆元年十一月初十日夜經過陳奇貴門首見門未閉呼喚陳奇貴不應伊妻李氏答以代人挑谷未回李相清進內見李氏一人燃燈紡花頓起淫心抱李氏求姦李氏不從揪住李相清髮辮拾刀割斷李相清猶未釋手李氏復口咬其左耳李相清奪取髮辮不得即拔身帶鐵尺毆李氏左後脇左賺取李氏用右手抵擋撞傷手心復扯住李相清衣服毆李相清急欲脫身用左手反拍李氏咽喉仆地李相清隨即走脫比時陳奇貴同隣人黃君勝陳仕新在隣近萬瑞元家晚飯聞喊奔回李氏告知前情次早陳奇貴投明保長陳國坤詎李氏傷重

于十三日殞命屢審不諱查定例凡強奸將本婦立時殺死者擬斬立決今李氏被毆雖越二日殞命但因李相清強奸不遂用鉄尺捺毆重傷致死李相清應依例擬斬立決仍照例先行刺字等因具題應如該撫所題李相清合依因強奸將本婦立時殺死例擬斬立決再該撫疏稱李氏因李相清強奸不從被毆身死節烈可嘉相應照例題請


旌表以維風化等語查李氏因強奸不從以致身死與例相符應令該署撫轉行該地方官照例給銀三十兩聽本家自行建坊外其該縣節孝祠內設位之處照

恩詔定例遵行奉

旨李相清着即處斬餘依議

強姦未遂毆傷本婦越十六日身死

乾隆三年九月刑部會議覆准鑲白旗滿洲都統瑚琳等拿送馬來佐領下前鋒善岱家人薩哈圖毆傷一主家人年兒之妻張氏身死一案審據薩哈圖供我係鑲白旗滿洲都統馬來佐領下前鋒善岱家人三十九歲了五月初九日下晚我在外吃酒醉了回家走到大門內遇見一主家人年兒之妻張氏往外走時我見無別人他男人年兒又當差去了不在家裡我一時因酒醉拉在他的手調戲張氏不依混行嚷罵我怕主兒聽見將張氏捺倒在地他越發嚷罵我隨拿頂門的一塊石頭嚇他往下一掉就傷張氏腦後到二十四日張氏死了是寔等語查律內因姦威逼人致死者斬監候等語今薩哈圖因醉後回家甫至門首撞遇一主家下婦人張氏輒行調戲致張氏喊罵薩哈圖惧主聽聞將張氏捺倒在地因張氏喊罵不休復將



石向嚇不期失手墮地致傷張氏越十六日殞命按律科罪既與強姦不遂將本婦立時殺死之條不同亦非但經調戲本婦羞忿自盡之例可比應將薩哈圖比照因姦威逼人致死律擬斬監候秋後處決仍照雍正十一年六月內大學士張 條奏律例無可引用援引別條比附者應于疏內聲明例奏請

定奪再臣等更有請者查例內凡因強姦而將本婦立時殺死者擬斬立決若強姦既成本婦羞忿自盡者擬斬監候至于強姦未成或但經調戲本婦羞忿自盡者擬絞監候等語是強姦未成將本婦立時殺死并強姦既成本婦羞忿自盡及強姦未成或但經調戲本婦羞忿自盡各條俱已著有成例惟強姦不遂將本婦毆傷越數日身死作何治罪之處從前尚未議及請嗣後遇有強姦不遂將本婦毆傷越數日後因本傷身死者仍照因姦威逼人致死律擬斬監候如蒙

俞允俟

命下之日載入例冊通行直隸各省督撫一體遵行奉
旨薩哈圖依擬應斬著監候秋後處決餘依議

因姦勒死十齡幼女依謀殺人得財科斷

康熙四十四年四月刑部會看得張七成兒勒死王孔雲之女王二姐一案據直撫李光地審擬斬罪具題查張七成兒兒十歲幼女王二姐生有姿容且戴有珠帽遂蓄意行姦謀取珠帽適于康熙四十三年二月初八日七成兒見二姐獨立門首輒將二姐抱入空房內強欲行姦二姐不從又聲言歸訴母舅高琢七成兒惧怕事露遂取二姐腿帶將二姐頸項用力蹬勒以致二姐立時殞命七成兒猶慮二姐不死復用大繩懸于門上攫取二姐珠帽耳墜等物交與伊母李氏收藏後七成兒被獲李氏畏罪自縊身死歷審情真張七成兒合依謀殺人因而得財者同強盜不分首從論律擬斬立決珠帽耳墜等物應于張七成兒名下追賠給付死者之家奉旨張七成兒着卽處斬餘依議查此案道請題旌院批十歲童女情實

未開遇強暴而驚慌叫號是其常事不便請旌行令有司量行獎賞可也

因姦不從殺死照故殺科罪

雍正九年七月刑部會議得廣撫鄂題歸善縣民周天球因姦搭死李亞長之妻鄧氏一案緣鄧氏於雍正七年八月十八日同黃氏甘氏往山分路樵採黃氏甘氏為周天球巡見以違禁喝阻下山鄧氏在別處採柴未與同歸周天球亦未及見即隨黃氏回家欲告其夫適黃氏之夫外出周天球復往山巡邏遇見鄧氏挑柴下山因四顧無人淫心頓起調戲鄧氏鄧氏正言詈斥周天球拉落鄧氏柴担拉至樹林欲抱行姦鄧氏拾柴向毆周天球推倒鄧氏以右手搭其胸左手解其下衣鄧氏疾聲呼號天球惟恐人知即用左手儘力狠搭鄧氏咽喉墊傷項頸旋即殞命前經署歸善縣徐允年據報驗屍通報周天球詐供鄧氏被夫打罵上山自縊堅不招承經委龍川縣周之矩覆檢屍傷始據周天球將因姦致死實情招認歷審供認

不諱按擬具題周天球合依故殺律擬斬監候照例刺字再該撫疏稱歸善縣知縣朱翰前審周天球堅不招認解府審訊仍復狡飾復委龍川縣檢審與不行審出實情有間應邀免議等語查承審此案之知縣朱翰因周天球堅不承招據供解府具結請檢並未成招定擬與不行審出實情有間應將歸善縣知縣免其議處再該撫疏稱鄧氏矢志守貞寧死不辱相應題請

旌表以維風化等語查定例凡婦女強姦不從以致身死者

旌表等語今鄧氏強姦不從以致身死與例相符應轉行該地方官照例給銀三十兩聽本家自行建坊外其該縣節孝祠內設位之處照

恩詔定例遵行奉

旨依議

強姦不從手扼陰門拉腸致死

康熙四十三年七月刑部會看得王黑子強姦致死田氏一案據直撫李 疏稱田氏之夫李進功原買王黑子之猪欠錢未償康熙四十二年十二月初三日王黑子往李進功家索錢適進功外出黑子見進功之妻田氏少艾遂欲圖姦至晚黑子復找進功邀黑子酒舖共飲時至一更黑子佯言歸家喂驢遂至進功家推門入室氏即喊叫黑子堵住氏口挾至漫地氏仍喊叫又拖過河西欲行強姦氏堅拒不從黑子手扼田氏陰門將腸拉出復行踢打迨聞救應之聲始行逃遁氏兄田守明等將田氏負歸越二日殞命歷審情真王黑子合依因奸致死人律擬斬監候田氏守貞捐軀應請

旌表等因具題查王黑子因強姦田氏不從手扼陰門將腸拉出致死兇惡已極不便照律擬斬監候應改照光棍爲首例擬斬立決查婦女

強姦不從以致身死者例應

旌表今田氏強姦不從以致身死應照例咨行該撫給銀三十兩聽本家自行建坊可也奉

旨王黑子着卽處斬餘依議

代人圖姦致死本婦

雍正五年七月刑部會議安撫魏 題翟連圖姦段氏自刎身死一案查馬小娶妻段氏翟連見段氏少艾輒起淫心欲行圖姦于雍正四年四月十六日將衣倩馬小洗浣十七日翟連取衣復邀張印馬小聚飲翟連許給馬小銀兩十八日付張印銀四錢二分轉付馬小馬小收銀與段氏商量氏不允從是夜翟連叫張印再爲問信張印因馬小卧室無門遂入手按段氏并脫段氏鞋一隻段氏嚷罵張印將鞋送還次日馬小亦將原銀送還段氏將前情告知其兄段大貴卽自刎身死歷審不諱翟連合依因姦威逼人致死律擬斬監候張印合依爲從減一等律僉妻流三千里至配所責四十板馬小照抑勒妻妾與人通姦律杖二百已經發落毋庸議段氏強姦不從自刎身死應照例給銀三十兩聽本家自行建坊其節孝祠內設位之處

仍照

恩詔定例遵行可也奉

旨依議

求姦未遂致令羞忿自盡

雍正九年二月刑部會議覆蘇撫尹 題上海縣民許才圖姦朱氏
不從朱氏自刎身死一案緣雍正七年八月初五日夜許才乘朱氏
進樓燒香扯住求姦朱氏喊拒氏母聞聲至前叱責許才朱氏忿恨
即于是夜持刀自刎越十三日殞命許才合依因姦威逼人致死律
擬斬監候再朱氏拒暴全節捐軀節烈可嘉與

旌表之例相符應令該撫轉飭照例給銀三十兩聽本家建坊外其該縣
節孝祠內設位之處照

恩詔定例遵行可也奉

旨依議

圖姦致死本婦援 赦免抵互爭推斃木夫怙過倍罪

雍正七年十二月刑部會議覆蘇撫彭 疏稱江都縣民陳相升與
張三選住居鄰近見張三選之妻吳氏頗有姿色蓄意圖姦于雍正
元年二月初四日借給張三選銀二兩三選次早出門相升乘間潛
入氏室調姦吳氏喊叫相升潛遁吳氏心懷不甘私央幼童李二子
買取銀黝吞食毒發滾跌殞命陳相升俱罪免陳可謨陳廣生陳白
玉調處給張三選銀三十二兩又立養老筆帖交與三選寢息陳可
謨向三選勒借銀五兩入已相升復憑可謨給三選銀六兩五錢退
回養老筆帖後三選患病日久于雍正五年九月十八日早令伊子
張宦林攜至相升店內仍望資助相升用手一推三選跌倒旋斃張
宦林送信伊兄張世科同往看明即欲鳴官相升復囑保甲張熙文
陳元揔作路斃無名男子報縣又免陳廣生管萬鍾陳白玉留任張

世科議給銀二十兩私和經江都縣知縣張有觀批委邵伯司巡檢朱希哲看驗張世科具結領埋得銀十兩除脩棺抬厝外尚存五兩係陳廣生陳白玉管萬鍾張熙文陳元各得銀一兩張世科奔訴伊叔張士祿同侄抱贓首告歷審不諱陳相升合依因奸致死律擬斬監候事在雍正元年二月二十日

恩赦以前應邀援宥其

赦後又推跌張三選身死律應擬絞但係雍正元年援宥人犯仍不改惡復犯法紀例應加倍治罪陳相升仍應擬斬監候恭候

諭旨刺字陳可謨說合過付張三選私和銀三十二兩應與受財人同科杖九十陳廣生陳白玉應照常人私和人命律杖六十鄰佑陳公望應照地界內有死人地鄰不報律杖八十俱事在

赦前均應援宥其

赦後得銀十兩私和之屍子張世科合依父母爲人所殺而子孫私和律杖一百徒三年但已抱贓投首應免罪說合過付之陳廣生管萬鍾陳白玉除私和得贓輕罪不議外俱合依說事過錢與受財人同科例各杖一百徒三年保甲張熙文陳元除得贓輕罪不議外合依知人謀害不首告律各杖一百管萬鍾等仍革去鄉約保甲陳可謨照地界內有死屍地鄰不報律杖八十作陳升姜明均照檢驗不寔律各杖八十革役發落等因具題陳相升應擬斬監候過付私和之陳可謨陳廣生陳白玉鄰佑陳公望均應援免張世科抱贓自首應免罪說合過付之陳廣生陳白玉管萬鍾均應杖一百徒三年保甲張熙文陳元均應杖一百陳可謨應杖八十作陳升姜明均杖八十革役張三選所得之銀已經身死免追陳廣生等所得贓銀及陳可謨所借三選銀兩并張世科首出銀兩照追入官又疏稱前任知

縣沈奎失察吳氏人命前任知縣張有觀違例擅委襍職驗屍但沈奎已經革故張有觀已經分案參革毋庸開報奉委看驗不行據寔查報之邵伯司巡檢朱希哲并將被推跌倒身死張三選檢報病故之高郵州知州黃廷銓相應開報等語應開現補山西平魯縣知縣張有觀照例降一級留任黃廷銓朱希哲均照例降二級調用吳氏強姦不從以致身死應令該撫轉飭地方官照例給銀三十兩聽本家自行建坊外該縣節孝祠內設位之處照

恩詔定例遵行奉

旨依議

查私和人命受財准竊盜論陳廣生等過付銀二十兩與受財人同科止應杖八十今照屍子私和律滿徒似乎未協且本犯已經首免連累人亦應免罪

妄拿良民爲竊并調戲其女致令服毒斃命

乾隆六年三月刑部會議覆霞浦縣民林阿七等聽從孫阿統誣指阮成官等爲盜調戲藍銀妹致死一案先據署福撫王疏稱孫阿統原係霞浦縣典史衙役於乾隆二年因玩公革退仍借緝賊爲名希圖誑詐鄉愚乾隆三年七月十九日糾同林阿七併袁元龍陳奶福王順官一共五人假充捕役偕往昔經犯竊之阮成官家捏稱富赤崎居民失竊係阮成官所偷並誣指與阮成官附近居民藍阿明爲同夥將阮成官鎖至其家值藍阿明外出孫阿統等向其妻女坐索酒食及藍阿明妻女炊飯相待孫阿統又以無殺肆言碎其碗碟藍阿明之女藍銀妹畏懼躲匿田畔孫阿統又與林阿七同往拉回藍銀妹扭掙孫阿統用掌責打林阿七亦以手抹嘴調戲續藍阿明之妻走出門外欲往尋回藍阿明詎孫阿統復與林阿七欲拉藍銀

妹進房淫污藍銀妹叫喊藍阿明之妻聞聲趕進孫阿統等方行釋
手隨將藍銀妹阮成官同鎖出門帶往甲頭邱學賢家冀圖藍阿明
用錢買放行至中途藍銀妹托言出恭孫阿統開鍊放行遠望看守
藍銀妹卽在山邊潛拔毒草藏帶身旁孫阿統又喚同林阿七用竹
枝拷打阮成官索錢五千文無給仍同藍銀妹鎖至邱學賢家鎖于
桌脚時已日暮孫阿統復嚇邱學賢係伊地方失事邱學賢留其晚
飯並給飯與阮成官藍銀妹已暗食毒草毒發不能飲食時伊母亦
卽追至孫阿統急將藍銀妹鎖開同邱學賢灌救不效孫阿統隨開
阮成官之鎖令其將藍銀妹帶同伊母背回甫及出門旋卽殞命孫
阿統等懼罪各逃嗣據孫阿統被獲跳海自盡先後拘到林阿七等
屢審不諱查阮成官前雖偷牛犯竊已經收過多年藍阿明素係良
民並非賊夥孫阿統等希圖嚇詐輒敢假差妄拏致死人命除爲首

之孫阿統已經跳海自盡不議外將林阿七擬軍等因具題經臣部
以林阿七等聽從孫阿統假充番役妄拿無辜之藍阿明爲盜已屬
誣良罪應軍戍但查凡強姦未成但經調戲本婦羞忿自盡者例應
絞抵今藍阿明之女藍銀妹被林阿七以手調戲復被孫阿統同林
阿七強拉進房欲行淫污幸伊母聞喊奔救孫阿統等方行釋手鎖
赴邱學賢家藍銀妹誠恐不免玷辱羞忿交加故行至中途托言出
恭潛拔毒草暗食斃命以全名節乃該署撫將此案人命並未置議
僅將林阿七擬軍而藍銀妹守正不污應邀

旌典之處又未照例疏內附請均屬未協應令該署撫將此案細核案情
妥擬具題到日再議袁元龍等照擬分別枷責完結等因題駁去後
今據署福撫王 疏稱查孫阿統誣拏阮成官并欲拿藍阿明又喚
同林阿七拉回藍銀妹原爲詐財起見並無圖姦之心乃林亞七起

意調姦始以手抹藍銀妹之口繼乘伊母外出復喚同孫阿統欲拉藍銀妹進房行姦經伊母聞喊奔回而止以致藍銀妹羞忿交加途中採匿毒草潛食斃命林阿七除誣良爲盜拷打嚇詐爲從輕罪不議外應改擬絞監候刺字等因具題應如該撫所題林阿七合依強姦未成但經調戲本婦羞忿自盡例擬絞監候秋後處決刺字該署撫旣稱王順官飭緝獲日另結等語應令該署撫嚴緝務獲另結再該署撫疏稱藍銀妹守正不污貞節可嘉應請旌表等語查藍銀妹因林阿七調姦羞忿服毒身死似茲貞烈洵屬可嘉應照強姦不從以致身死之例准其

旌表合該署撫轉行該地方官給銀三十兩聽本家自行建坊外其該縣節孝祠內設位之處照

恩認定例遵行再該署撫疏稱此案已經遵駁改正例得均邀免議等語

查定例督撫具題事件有情罪不協律例不符部駁再審該督撫榜律例改正將從前承審舛錯之處免其議處等語今此案先經該撫將林阿七擬軍經刑部駁飭改正擬絞應將從前承審舛錯之各職名均照例免其查議奉

旨林阿七依擬應絞著監候秋後處決餘依議

淫姦未成嗣因兄弟兩次辱詈逼人自盡

雍正十一年二月刑部會看得興寧縣民婦張氏被溫宜興強姦未成後溫宜榮等辱罵服毒身死一案先據廣撫鄂疏稱緣張氏之夫劉仁彩向在縣城開有棉花舖店張氏同翁劉子蘭始溫氏在家獨居一室溫宜興係溫氏從弟曾至其家窺見張氏少艾雍正九年正月二十九日溫宜興自石馬墟回家黃昏時候路經張氏門首頓起淫心先在張氏屋後潛躲至二更時分從張氏房後揭去土磚數塊鑽身入內直至張氏床上張氏時已睡熟溫宜興用手按摸張氏意欲行姦張氏驚問溫宜興通達姓名希圖順從張氏不允大聲喊叫卽手拉溫宜興兜肚溫宜興心慌掙斷肚帶仍由原洞鑽出劉子蘭并妻溫氏聞伊媳喊聲趨視張氏告知前情將所奪兜肚交給伊翁劉子蘭次早投訴地保并報知伊子劉仁彩稟縣拘訊因張氏懷

孕未經赴質張氏於二月初三日同伊始溫氏往田耕作途遇溫宜興之兄溫宜達被其穢言羞辱初五日張氏與姑溫氏同在門前又被溫宜興之弟溫宜榮穢言辱罵張氏忿激卽於是夜服毒身死歷審不諱張氏係溫宜興無服外親應同凡論將溫宜興擬流溫宜榮溫宜達分別擬杖等因具題經臣部查律內因姦威逼人至死者斬監候姦不論已成未成等語今溫宜興入張氏房內上床按摸逼名圖奸張氏不允大聲喊叫奪去溫宜興兜肚次早鳴官拘訊而溫宜興之兄弟復將張氏污言辱罵以致張氏忿激服毒殞命是張氏之死係溫宜興逼姦所致承審各官將溫宜興照強姦未成律擬以杖流情罪不符行令該撫按律妥擬具題到日再議等因題駁去後今據該撫楊 疏稱查本案雖由溫宜興強姦起釁而張氏之死實由溫宜榮等罵逼所致溫宜興原不知情溫宜興仍照原擬杖流溫宜

榮等仍照原擬分別擬杖追埋葬銀兩等因具題應如該撫所題溫宜興合依強姦未成律僉妻流三千里至配所杖一百折責四十板該撫既稱溫宜榮合依因事威逼人致死律杖一百追埋葬銀十兩給付屍親收領溫宜達身爲家長不能約束其弟復行辱罵張氏合依不應重律杖八十俱經折責發落等語均毋庸議奉

旨依議

被姦三月後自盡仍擬因姦致死

康熙三十八年九月刑部會看得張成紀等因姦致死葛氏等一案據直撫李光地審擬斬罪具題查田國朝同母往廟進香伊妻葛氏遂邀高福成之妻劉氏王從福之女王氏到家伴宿康熙三十六年三月二十六日張成紀與張進祿王虎兒偕至王進忠舖內飲酒言及葛氏家內無人頓起淫心于是夜二更四人齊至葛氏家撥門入室張成紀強奸葛氏王進忠強奸劉氏王虎兒強姦王氏張進祿亦將葛氏強奸而散後張成紀等復行挨罵以致王氏劉氏葛氏羞愧交加于六月二十七等日王氏劉氏服毒而死葛氏自縊而死歷審情真張成紀王進忠張進祿俱合依因姦致死律擬斬監候秋後處決脫逃之王虎兒嚴緝獲日另結李三兒等審係無干毋庸議奉旨張成紀王進忠張進祿俱依擬應斬着監候秋後處決餘依議

因姦未成逼人自縊

雍正 年 月刑部會省得陳留縣民孫越姦逼崔氏自縊身死一案據河督田 疏稱崔氏與孫越比鄰而居孫越因王三之妻崔氏孀居日久蓄意圖姦雍正六年三月十六日孫越飲酒回家卽於二更時分持斧由牆缺進院撥開崔氏房門崔氏叫喊孫越聲言作伴止其勿喊崔氏聽係孫越卽指名詈罵孫越逸去崔氏隨卽出罵次日復至孫越家辱罵孫越之叔孫四掌批其姪將崔氏勸回崔氏氣忿欲死經崔氏姪婦李氏看守孫四聞崔氏夫兄王明魁欲控隨挽郝三王謨向王明魁講和將孫越重責服禮明魁允從而散詎崔氏氣忿未釋于二十一日自縊殞命歷審不諱除孫四王明魁俱經保領在店病故不議外將孫越等擬以斬徒等因具題應如該督所題孫越合依因姦威逼人致死者斬律擬斬監候秋後處決郝三王謨

聽從孫四講和俱合依私和姦事減強姦未成二等為從又減一等
律徒二年至配所杖八十責三十板該督又稱崔氏捐軀守正應請
旌表等語查崔氏強姦不從以致身死與例相符應令該督轉行該地方
官照例給銀三十兩聽本家自行建坊外其該縣節孝祠內設位之
處照
恩詔定例遵行可也奉
旨孫越依擬應斬著監候秋後處決餘依議

調戲隣婦致令羞忿自盡

乾隆五年七月刑部會議覆鹽城縣民沈育萬調戲吳其中之妻倪
氏羞忿縊死一案據蘓撫張 疏稱吳其中下海打草未回次日吳
其中之母亦往女家探望惟留倪氏獨處沈育萬詢知無人頗起淫
心圖姦倪氏出言調戲倪氏喝罵沈育萬奔逸倪氏被辱抱忿即行
服瀆吳其中之母歸見救甦吳其中歸家倪氏備述情由吳其中往
尋沈育萬理論未遇吳其中復又往尋其母亦赴河洗衣倪氏羞忿
莫釋投環殞命將沈育萬擬絞附請留養等因具題應如該撫所題
沈育萬合依圖姦未成但經調戲本婦羞忿自盡例擬絞監候秋後
處決再該撫疏稱沈育萬之父沈德于年逾七十雖生兩子但次子
已繼伊兄沈英于為子沈育萬亦未生子沈德于家無次子沈育萬
所犯又從常赦應原與留養之例相符該犯賣柴為生係屬無力出

言調戲尙屬情輕相應取具印甘各結附疏聲明恭候

欽定等語應將沈育萬所犯罪名並應侍緣由奏聞尙蒙

聖恩准其存留養親行令該撫將該犯枷號兩個月責四十板仍照無力

情輕例追埋葬銀一十兩給付死者之家再該撫疏稱倪氏守正不

污捐軀明志節烈可嘉應請

旌表以慰幽魂等語查倪氏因被沈育萬調戲羞忿自縊似茲貞烈洵屬

可嘉應照強姦不從以致身死之例准其

旌表合該撫轉行該地方官照例給銀三十兩聽本家自行建坊外其該

縣節孝祠內設位之處照

恩詔定例遵行奉

旨沈育萬從寬免死照例發落准留養親餘依議

調姦耻等自盡

康熙三十七年十月刑部會看得閩士積圖姦威逼致死孫秀姑一

案據浙撫張劬審擬斬杖具題查閩士積窺見楊鼎元養媳孫秀姑

姿容端麗輒起淫心於康熙三十七年三月初八日借名取火抱持

秀姑欲行強姦秀姑嚙傷士積之指方得脫身至六月十六日士積

復見秀姑獨坐門傍從檻下捏足調誘以致喊鳴隣總公責士積遞

茶與伊姑侯氏陪禮侯氏舉杯擲還誤中其黨胡起龍臉上起龍糾

同徐楚才等登侯氏之門詈罵士積嚇稱不姦不歇於是秀姑聞聲

情極潛縫衣裙於十九日服瀆身死歷審情真閩士積合依因姦威

逼人致死者斬律擬斬監候秋後處決胡起龍徐楚才徐明玉汪禹

川金殿楊詈罵侯氏俱合依不應重律杖八十各折責二十板又該

撫疏稱孫秀姑以未笄之年凜冰霜之搽嚙士積之指拒姦縫衣自

盡貞烈迥出尋常等語查婦女強姦不從以致身死者例應

旌表今孫秀姑身死與例相符相應咨行該撫給銀三十兩聽本家自行

建坊可也奉

旨閩士積依擬應斬着監候秋後處決餘依議

黑紗求姦致本娘羞忿自盡

乾隆七年五月刑部會議覆高文京調戲王平之妻鄭氏不從致鄭氏羞忿縊死一案據福撫王疏稱緣王平同妻鄭氏與高文京同居王平在營防汛遺妻鄭氏獨處乾隆五年十一月二十三日夜高文京忽萌淫念潛至鄭氏房外撥門近床揭帳鄭氏驚覺喝問高文京答應并手摸鄭氏之臉求與同寢鄭氏聞聲呼名喊罵高文京奔遁二十四日鄭氏往懇伊兄鄭全令喚伊夫王平歸家投明鄉隣欲控當有林隆開陳昌振鄭同夫鄭賢滋勸令高文京向鄭氏陪禮鄭氏卽行怒詈衆各散歸詎鄭氏乘夫外出自縊畢命將高文京擬絞林隆開等擬笞等因具題應如該撫所題高文京合依但經調戲本婦羞忿自盡例擬絞監候秋後處決刺字該撫旣稱林隆開陳昌振鄭同夫鄭賢滋均合依私和公事律笞五十先行折責發落等語應

如該撫所擬完結再該撫疏稱高文京有母邱氏年已七十六歲次子高文天出繼伊親叔高斯茂爲子三子高文裔已經死亡現在止有長子高文京寔係家無次丁應否留養理合聲明聽候部議等語查調戲婦人以致本嬖羞忿自盡若原律係因姦威逼致死人命斬候嗣蒙

世宗憲皇帝諭旨改定爲絞監候于秋審時仍以情寔具題欽遵在案與關

毆殺等罪應擬緩決者不同應將該撫所請毋庸議再查鄭氏因高文京調戲羞忿自縊似茲貞烈洵屬可嘉應照例准其

旌表令該撫轉行該地方官給銀三十兩聽本家自行建坊外其該縣節孝祠內設位之處照


恩詔定例遵行奉

旨高文京依擬應絞着監候秋後處決餘依議

捉姦無成硬脫女鞋致人氣忿自縊

雍正八年九月刑部議覆直督唐 疏稱緣高七見高希漢與高繩宗之妻于氏時相笑語疑有姦事原思捉姦洩忿及踢門入室見無希漢方知事虛卽脫于氏鞋隻爲捉姦憑據于氏氣忿自縊身死若高七果欲圖姦當其踰牆進院之時被于氏知覺喊叫高弘香出問高七自必奔逸奚敢直以捉姦回答公然踢門入室明係挾嫌報復希圖捉奸洩忿並無有意圖姦威逼致死情事高七應仍擬以軍罪等因具題高七合依將曖昧不明姦贓事情污人名節報復私仇者例僉妻發附近充軍至配所責四十板奉

旨依議



[Faint, illegible vertical text columns, likely bleed-through from the reverse side of the page.]

7

